

醫方類聚卷之二百六

婦人門一

調經一

論

金匱方

溫經湯 土瓜根散 旋復花湯 膠姜

湯 大黃甘遂湯 抵黨湯 礬石丸

千金方

月水不通

目錄



桃仁湯 乾姜圓 乾漆湯 芒消湯

桃仁湯 前胡牡丹湯 乾地黄當歸圓

牡丹圓 黃芩牡丹湯 乾漆圓 浸酒

方 當歸圓 鼈甲圓 禹餘糧圓 牡

蒙圓 大蟲蟲圓 桂心酒 桃仁煎

牡蠣圓 當歸圓

赤白帶下崩中漏下

白堊圓 白石脂圓 小牛角鯁散 龜

骨散 白馬蹄圓 白馬駝散 大豆紫

湯 雲母芍藥散 慎火草散 禹餘糧

圓 增損禹餘糧圓 當歸湯 伏龍肝

湯 大牛角中人散 生地黄湯 丹參

酒 牡丹皮湯 白堊圓 芍藥湯 馬

通湯 馬蹄屑湯 馬蹄圓 慎火草散

蒲黃散

月經不調

白堊圓 桃仁湯 杏仁湯 大黃朴消

湯 茱萸蟲蟲湯 抵党湯 七熬圓

桃仁散 陽起石湯 牛膝圓

婦人門 二

調經 二

千金翼方

崩中

鼈甲散 薔薇根煎 熟艾湯 地榆湯

檉柳葉湯 薊根酒 桑根煎 馬通汁

阿膠散 鮑魚湯

月水不利

白微丸 溫經丸 嚴蜜湯 菖蒲湯

海上仙方

婦人月水不通

婦人血崩

月信不調

產寶

經候不通方

崩中帶下方

聖惠方

治婦人血分諸方

赤芍藥散 大戟散 郁李仁散 澤漆丸 芫花丸

治婦人月水不通諸方

赤芍藥散 牡丹散 菴藺子散 琥珀散 大黃散 蟲蟲散 斑猫散 芫花散 琥珀煎丸 鬼箭丸 牛膝丸 沒藥丸 芫青丸 穿山甲丸 蘇枋木煎水銀丸

治婦人月水不調諸方

牛膝散 大黃散 桃仁散 桑耳散 牡丹散 牡丹丸 生乾地黃丸

治婦人月水久不通諸方

桃仁散 鬼箭散 烏金散 紫石英散 狗膽丸 牡蠣丸 鱗鱗丸 蟲蟲丸

桃仁煎丸 礪砂丸 桂心丸 黑聖丸

金花散 烏金散

治婦人月水不利諸方

牡丹散 琥珀散 赤竜鱗散 牛膝散

沒藥散 牛膝丸 桂心丸 桃仁丸

龍甲丸

治婦人月水不通無子諸方

桃花丸 乾漆丸 浸藥酒 白薇丸

熟乾地黄丸

治婦人月水不斷諸方

熟乾地黄散 艾葉散 木賊散 陽起

石散 續斷丸 禹餘糧丸 牡蠣丸

龍骨丸

治婦人月水不通臍腹積聚諸方

牛膝散 芫花散 乾薑丸 大黃丸

芫花煎丸 硃砂丸 斑苗丸 乾漆煎

丸 菴藺子酒

治婦人月水來腹痛諸方

熟乾地黄散 芎藭散 桃仁散 麝蟲

散 蓬莪茂散 騏驎竭散 琥珀散

麝蟲散 乾漆丸 當歸丸 朴消丸

硃砂丸 金漆丸 朱砂丸

治婦人月水不通腹內癥塊諸方

紫葛散 大黃散 琥珀散 硃砂散

芫花根散 鼈甲丸 水銀丸 神效凌

霄花丸 防葵丸 砒霜丸 虎杖煎

治室女月水不通諸方

牡丹散 黃芩散 地骨皮散 桃仁散

當歸散 琥珀丸 狗膽丸 凌霄花丸

桃仁丸

治婦人漏下諸方

伏龍肝散 赤石脂散 代赭散 禹餘

糧散 當歸散 牡蠣丸 地黃湯 赤

石脂散

治婦人漏下五色諸方

白芍藥散 側柏散 龍骨散 蒲黃散

馬毛散 白馬蹄散

婦人門三

調經三

聖惠方二

治婦人赤白帶下諸方

桑耳散 熟乾地黄散 艾葉散 桑耳散 牛角鯁散 黃耆丸 鹿茸丸 綠

禁丸 治婦人赤帶下諸方

生乾地黄散 阿膠散 玳瑁丸

治婦人白帶下諸方

龜甲散 桑黃散 鹿角膠散 龍骨散

肉荳蔻丸 礪砂丸

治婦人帶下五色諸方

桑耳散 栢葉散 阿膠散 禹餘糧丸

鹿耳丸 當歸丸 續斷丸

治婦人久赤白帶下諸方

龜甲散 附子散 菰蘆散 川大黃散

禹餘糧丸 川椒丸 阿膠丸

治婦人崩中下血不止諸方

熟乾地黄散 白芍藥散 騏驎竭散

櫻攔散 狼牙散 阿膠散 牛角鯁散
伏龍肝散 堯藥散 桑耳散 綠雲散
通神散

治婦人崩中下五色諸方

側柏散 伏龍肝散 艾葉散 樺葉散
牛角腮散 鼈甲散 騏驎竭散 竜骨丸
禹餘糧丸

治婦人白崩諸方

白朮散 當歸散 牡蠣散 鹿角膠散

禹餘糧散 蝟皮丸

治婦人崩中漏下不止諸方

地榆散 薔薇根皮散 禹餘糧散 栢葉散
鹿茸丸 栢葉丸 禹餘糧丸

和劑局方

婦人諸疾

溫經湯 逍遙散 當歸建中湯 滋血湯
暖宮圓 暖宮圓 滋血湯 牡丹散
紅花當歸散 艾煎圓

大全本草

三因方

萬病丸

助道方

治婦人月候不調

治婦人月候崩漏

治婦人經月不通候

治婦人赤白帶下證

治婦人血海崩漏

治室婦血閉不曾通

治室婦崩中下血證

是齋醫方

寧志膏

血崩

四物湯

瓊碎錄

婦人雜治

簡易方

歸人經候

紫石英元 小溫經湯 金華散 苧苳
 湯 黃蘗湯 通經圓 當歸散 鍾乳
 澤蘭圓 卷柏圓 育真丹 磨積元
 直指方

血疾證治

芎歸湯 膠艾湯 桂香元 調榮湯
 交濟散 蒜連元 法製香附方 燒藍
 酒 芎歸湯 膠艾湯 固經元 澤蘭

元 當歸建中湯 養正丹

朱氏集驗方

調經

紅花散 千金失笑散 防風散 神授
 散 大聖散 聚珍元 加味四物湯
 歸芎丸

血崩

二妙散 三灰散 四神散 五倍散
 荆芥散 獨勝散 平胃散 加味平胃

散 玉芝散 加味佛手散 如勝散

經驗散 沒藥散

帶下

小陰丹 石脂散 白芷散 黑附散

嚴氏濟生方

帶下

白聖圓 白斂圓 常歸煎 卷栢圓

崩漏

鎮宮圓 十灰圓 栢子仁湯

嚴氏濟生續方

崩漏

陽起石圓 加減四物湯

管見大全良方

鹿茸元崩

婦人大全良方

月水不調方論

加減吳茱萸湯 薑黃散

養生必用論經病

當歸散 琥珀散 鼈甲圓

室女經閉成勞方論

栢子仁圓 澤蘭湯 沉香鼈甲散 金

花散 劫勞散 麥煎散 鼈煎圓 八

仙飲子

婦人門四

調經四

婦人大全良方二

血枯方論

烏賊魚骨圓 菝蓉圓 乾地黃湯 磁

石圓 白薇圓

月水行或不行心腹刺痛方論

溫經湯 桂枝桃仁湯 萬病圓 地黃

通經圓 琥珀散 萆撥圓

月水不斷方論

牡丹圓

婦人殺血心痛方論

崩暴下血不止方論

小薊湯 阿茄拖圓 琥珀散 五靈脂
散 荆芥散 獨聖散 神應散 縮砂
散 如神散 煮附元 竹茹元

崩中帶下方論

崩中湯下生死脉方論

益母草散 白芷散 乳香散 破故紙
散 搐鼻香 白礬元 伏龍肝散 茯
苓散 紫金散 沉香牡丹元 白芷暖
宮元 竹茹元 地黃元

婦人白濁白淫方論

姜黃散

婦人天癸過期經脉不調方論

茱萸鹿茸圓

婦人血分水分腫滿方論

椒仁圓 葶藶圓

修月魯般經後錄

二三法六門

當歸散 當歸散

宣明論

二氣丹 增損四物湯 黃藥子散 海
蛤丸 伏龍肝散 阿膠丸

東垣試効方

調經升麻除濕湯 涼血地黃湯 丁香

膠艾湯 黃芪當歸人參湯 當歸芍藥

湯 柴胡調經湯 益胃升陽湯 升陽

舉經湯

癩疝帶下論

酒煮當歸丸 固真丸 補經固真湯

升陽燥濕湯 當歸附子湯 調經固真

湯 桂附湯 柴胡丁香湯 龍菴膏

勝陰丹 迴陽丹

蘭室秘藏

經漏不止

烏藥湯 水府丹 立効散 四聖散

御藥院方

延齡護寶丸 活血散 當歸地黃丸

必効散 禹餘糧散 沒藥丸 地髓煎

九 滋榮丸

經候

禹餘糧丸

得効方

調經

涼血飲 三稜圓 撞氣阿魏元 大聖

散 紅圓子 濟陰丹 杜牛膝散 固大

油煎散

湛濁

二豆散 勝金圓 餘糧散 烏金散

白濁

金鎖正元丹 秘精圓 四七湯 青州

白圓子

崩漏

龍骨元 平胃散 滋榮元 加味四物

湯 熟附圓 梅飲子 五倍子散 奇

効四物湯 豆花散

帶下

香附散 白芍藥散 秋霜丹

澹軒方

血崩

月經不止及白帶

白帶

月經不通

女子赤白帶

肘後方

婦人漏下月水不通

澹療方

三稜當歸散 凌花散 十灰散 順示

散 金不換散 交加散

衛生寶鑑

調經順氣

油煎散 活血丹 當歸丸

師尼寡婦異乎妻妾之治

通經丸 生地黄丸

崩漏帶下

備金散 寸金散 伊祁散 加減四物

湯 火龍丹

居家必用

加料烏沉湯

拔粹方

苦練丸

調經

交加散 二聖大寶琥珀散

帶下證

苦練丸 衛生湯 當歸散 蓮殼散

金華散

瑞竹堂方

八珍散 蒲黃散 養氣丹 芩心丸

王氏集驗方

棕櫚丸 醋附丸 紅花蓬朮散 四物

湯 桃仁煎丸

醫方大成

黑金散

袖珍方

調經衆疾

威喜丸 尋經丸 大効拱辰丸 替灸

九 神仙濟陰丹 暖宮妙應丸 艾煎

丸 瑞金散

婦人門 五

調經 五

永類鈐方

月候不調

熟乾地黃元 濟陰丹 紫石英元 禹

餘糧元 椒紅元

室女經閉成勞證治

六神湯 溫經湯 震靈丹 半夏元

神仙聚寶丹 補宮元 金鎖正元丹

清心蓮子飲

經驗良方

婦人雜證血氣崩帶諸病

立効散 蠣粉散

醫林方

當歸散 定血散 通經丸

烟霞聖効方

斗門散

壽親養老書

血氣諸方

地黄粥

施圓端効方

椒朴丸 沒藥散 神仙活血丹 阿膠

散 千金散 川芎散

雜方

保生丸

偏僻方

奪命丹 浴體法

吳氏集驗方

秘金丹

神効名方

當歸散

山居四要

蒲黃黑神散

新效方

地黃丸 固經丸

理傷續斷方

膠艾湯

急救仙方

徐氏胎產方

催經散

仙傳濟陰方

調經

正胃湯 平胃湯

月候不乾

歸茸元

玉機微義

四物湯 逍遙散 膠艾湯 溫經湯

薯黃散 加減四物湯 鹿茸丸 加味

四物湯 加味四物湯 當歸散 生地
 黃丸 煮附丸 抑氣散 益胃升陽湯
 補中益氣湯 紺珠正氣天香湯 通經
 丸 加味四物湯 紅花當歸散 桂枝
 桃仁湯 地黃通經丸 琥珀散 玉燭
 散 生地黃散 黃芩湯 伏竜肝散
 備金散 茯苓補心湯 縮砂散 五靈
 脂散 荆芥散 蒲黃散 升麻除濕湯
 涼血地黃湯 當歸芍藥湯 六和湯

導水丸 當歸煎丸 白芷散 伏龍肝
 散 益母草散 固真丸 桂附湯 補
 經固真湯 衛生湯 苦棟丸 酒煮當
 歸丸 升陽燥濕湯 勝陰丹
 運化玄樞
 壽域神方

坤道部

衛生易簡方

經候不調

婦人門

崩中

帶下

金匱鈎玄

備預百要方

婦人雜方

阿膠散

餘藥無名者散見本方

禁忌

鍼灸

婦人門

調經

巢氏病源

月水不調候

婦人月水不調內勞傷氣血致體虛受風冷風冷之氣客於胞內傷衝脉任脉損手太陽少陰之經也衝任之脉皆起於胞內為經絡之海手太陽小腸之經手少陰心之經此二經為表裏主上為乳汁下為月水然則月水

是經絡之餘若冷熱調和則衝脉任脉氣盛
太陽少陰所主之血宜流以時而下若寒溫
乖適經脉則虛有風冷乘之邪搏於血或寒
或溫寒則血結溫則血消故月水乍多乍少
爲不調也診其脾脉沉沉而喘浮之而虛若
腸脹煩滿胃中有熱不嗜食食不化大便難
四支苦痺時不仁得之房內月事不來來而
併又少陰脉澁則血不來此爲居經三月一
來又脉微血氣俱虛年少者亡血之脉也乳

子下利爲可不調者此爲居經亦三月一來
又經水一月再來者經來時其脉欲自如常
而反微者不利不汗出者其經二月必來
帶下候

帶下者山勞傷過度損動經血致令體虛受
風冷風冷入於胞絡搏其血之所成也衝脉
任脉爲經絡之海任之爲病女子則帶下而
手太陽爲小腸之經也手少陰心之經也心
爲藏主於裏小腸爲府主於表此二經之血

在於婦人上爲乳汁下爲月水衝任之所統也衝任之脈旣起於胞內陰陽過度則傷胞絡故風邪乘虛而入於胞損衝任之經傷太陽少陰之血致令胞絡之間穢液與血相兼帶帶而下冷則多白熱則多赤故名帶下又帶有三門一曰胞門二曰竈門三曰玉門已產屬胞門未產屬竈門未嫁屬玉門又未嫁女亦有三病一者經水初下陰內熱或常風或因扇得冷二者或因以寒水洗之得又三

者或見月水初下驚恐得病皆屬帶下也又婦人年五十所病下利數十日不止暮發熱小腹裏急病腹滿手掌熱煩唇口乾燥此因曾經半產瘀血在小腹不去此疾必帶下所以知瘀血者唇口燥卽是其證又婦人年五十所病但苦背痛時時腹中痛少食多厭診其脈陽微關尺小緊形脈不相應病如此在下焦此必帶下又婦人帶下六極之病脈浮卽腸鳴腹滿脈緊卽腸中痛脈數則陰中痒

痛生瘡脉弦即陰疼掣痛

帶五色俱下候

帶下病者由勞傷血氣損動衝脉任脉致令其血與穢液兼帶而下也衝任之脈為經脉之海經血之行內榮五臟五臟之色隨藏不同傷損經血或冷或熱而五藏俱虛損者故其色隨穢液而下為帶五色俱下

帶下青候

此由勞傷血氣損動衝脉任脉衝任之脉皆

起於胞內為經脉之海手太陽小腸之經也手少陰心之經也此二經主下為月水若經脉傷損衝任氣虛不能約制經血則與穢液相兼而成帶下然五臟皆稟血氣其色則隨藏而不同用藏之色青帶下青者是肝藏虛損故帶下而挾青色

帶下黃候

勞傷血氣損動衝脉任脉衝任之脉皆起於胞內為經脉之海手太陽小腸之經也手少

痛生瘡脉弦即陰疼掣痛

帶五色俱下候

帶下病者由勞傷血氣損動衝脉任脉致令其血與穢液兼帶而下也衝任之脈為經脉之海經血之行內榮五臟五臟之色隨藏不同傷損經血或冷或熱而五藏俱虛損者故其色隨穢液而下為帶五色俱下

帶下青候

此由勞傷血氣損動衝脉任脉衝任之脉皆

起於胞內為經脉之海手太陽小腸之經也手少陰心之經也此二經主下為月水若經脉傷損衝任氣虛不能約制經血則與穢液相兼而成帶下然五臟皆稟血氣其色則隨藏而不同用藏之色青帶下青者是肝藏虛損故帶下而挾青色

帶下黃候

勞傷血氣損動衝脉任脉衝任之脉皆起於胞內為經脉之海手太陽小腸之經也手少

陰心之經也此二經主下為月水若經脈傷損衝任氣虛不能約制經血則血與穢液相兼而成勞下然五藏皆稟血氣其色則隨藏不同脾藏之色黃帶下黃者是脾藏虛損故帶下而挾黃色

帶下赤候

勞傷血氣損動衝脈任脈衝任之脈皆起胞內為經脈之海手太陽小腸之經也平少陰心之經也此二經主下為月水若經脈傷損

衝任氣虛不能約制經血則與穢液相兼而成帶下然五臟皆稟血氣其色則隨臟不同心臟之色赤帶下赤者是心臟虛損故帶下而挾赤色

帶下白候

勞傷血氣損動衝脈任脈衝任之脈皆起於胞內為經脈之海手太陽小腸之經也平少陰心之經也此二經主下為月水若經脈傷損衝任氣虛不能約制經血則血與穢液相

兼而成帶下然五臟皆稟血氣其色則隨臟
不同肺臟之色白帶下白者肺臟虛損故帶
下面挾白色也

帶下黑候

勞傷血氣損動衝脉任脉衝任之脉皆起於
胞內為經脉之海手太陽小腸之經也手少
陰心之經也此二經主下為月水若經脉傷
損衝任氣虛不能約制經血則血與穢液相
兼而成帶下然五臟皆稟血氣其色則隨臟

不同腎臟之色黑帶下黑者是腎臟虛損故
帶下而挾黑色也

帶下月水不利候

帶下之病山勞傷血氣損動衝脉任脉衝任
之脉起於胞內為經脉之海經血傷損故血
與穢液相兼而成帶下帶下輸瀉則臟虛而
重被風冷乘之入傷手太陽少陰之經則使
月水不利所以兩者手太陽少腸之經也為
腑主表手少陰心之經也為臟主裏此二經

共合其經血上爲乳汁下爲月水血性得寒則澀既爲風冷所乘故帶下而血澀所以月水不利也

帶下月水不通候

帶下之病由勞傷血氣損動衝脉任脉衝脉在脉起於胞內爲經脉之海經血傷損故血與穢液相兼而成帶下帶下輸瀉則藏虛而重被風冷乘之入傷手太陽少陰之經則使月水不通所以爾者手太陽小腸之經也爲

腑主表手小陰心之經也爲臟主裏此二經共合其經血上爲乳汁下爲月水血性得寒則澀既爲風冷所乘冷氣沉積故血結滯所以帶下月水不通凡月水不通血結積聚變成血瘕血瘦亦變面目淨腫也

漏下青候

勞傷血氣衝脉任脉虛損衝任之脉皆起於胞內爲經脉之海手太陽小腸之經也手少陰心之經也此二經主下爲月水傷損經血

衝任之氣虛故血非時而下淋瀝不斷而成漏
五臟皆稟血氣肝臟之色青漏下青者是肝臟之虛損故漏下而挾青色也
漏下黃候

勞傷血氣衝任之脉皆起於胞內爲經脉之海
手太陽小腸之經也手少陰心之經也此二經主下爲月水傷損經血衝任之氣虛故血非時而下淋瀝不斷而成漏下五臟皆稟血氣脾臟之色黃漏下黃者是脾臟之虛損

故漏下而挾黃色也

漏下赤候

勞傷血氣衝脉任脉皆起於胞內爲經脉之海
手太陽小腸之經也手少陰心之經也此二經者主下爲月水傷損經血衝任之氣虛故血非時而下淋瀝不止而成漏下五臟皆稟血氣心臟之色赤漏下赤者是心臟之虛損故漏下而挾赤色也

漏下白候

勞傷血氣衝任之脉皆起於胞內爲經脉之海手太陽小腸之經主下爲月水傷損經血衝任之氣虛故血非時而下淋瀝不斷而成漏下五臟皆稟血氣肺臟之色白漏下白者是肺臟之虛損故漏下而挾白色也

漏下黑候

勞傷血氣衝任之脉皆起於胞內爲經脉之海手太陽小腸之經也手少陰心之經也此二經主下爲月水傷損經血衝任之氣虛故

血非時而下淋瀝不斷而成漏下五臟皆稟血氣腎臟之色黑漏下黑者是腎臟之虛損故漏下而挾黑色也

崩中漏下五色候

崩中之病是勞傷衝任之脉衝任之脉起於胞內爲經脉之海勞傷過度衝任氣虛不能統制經血故忽然崩下謂之崩中而有瘀血在內遂淋瀝不斷謂之漏下漏下不止致損於五臟五臟之色隨臟不同因虛而五色與

血俱下其狀白者如涕赤者如紅汁黃者如爛瓜汁青者如藍色黑者如乾血色相雜雜而下也

帶下三十六疾候

諸方說三十六疾者是十二癥九痛七害五傷三固謂之三十六疾也十二癥者是所下之物壹者如膏二者如青血三者如紫汁四者如赤皮五者如膿痂六者如豆汁七者如葵羹八者如凝血九者如清血血似水十者

如米汁十壹者如月浣十二者經度不應期也 九痛者壹者陰中痛傷二者陰中淋痛三者小便卽痛四者寒冷痛五者月水來腹痛六者氣滿並痛七者汁出陰中如蟲嚙痛八者脅下皮痛九者腰痛 七害者壹者害食二者害氣三者害冷四者害勞五者害房六者害姪七者害睡 五傷者壹者窮孔痛二者中寒熱痛三者小腹急牢痛四者藏不仁五者子門不正引背痛六三固者壹者月

水閉塞不通其餘二回者文闕不載而張仲
景所說三十六種疾皆由于藏冷熱勞損而
挾帶下起於陰內條曰混漫與諸方不同但
仲景義最玄深非愚淺能解恐其文雖異其
義理實同也

瘀血候

此或月經否澀不通或產後餘穢未盡因而
乘風取涼爲風冷所乘血得冷則結成瘀也
血瘀在內則時時體熱面黃瘀久不消則變

成積聚癥瘕也

直持方

血崩

素問云陰虛陽搏謂之崩此卽血得熱則宣
流之意也四物湯可以助陰生料枳殼散可
以抑陽其間更以伏苓二陳湯和之使陰陽
兩得其平血自循於經絡矣若夫衝任不固
下元久虛以致血無關鎖則用膠艾湯加當
歸木香嚙下震靈丹爲妙

論崩中帶下

下部出血不止謂之崩中穢液常流謂之帶下崩中失血多因衝任虛損榮道受傷得之冷帶雜下多因下焦不固內挾風冷得之是固然爾然崩中者投以當歸川芎香附諸黑藥之屬血暫止而終不止帶下者投以熟艾餘糧母蠣海螵蛸之類帶暫歇而終不歇其故何哉經曰衛氣者所以溫分肉充皮膚肥腠理司開闔衛氣若虛則分肉不溫皮膚不

充腠理不肥而開闔失其司耳況胃為血海水液會焉胃者中央之土又所以主肌肉而約血水也衛氣與胃氣俱虛則肌弱而膚空血之與水不能約制是以涓涓漏卮休作無時而不暫停矣然則封之止之其可不加意於固衛厚脾之劑乎此桂枝附子湯以之固衛見活人書而人參白朮伏苓草果丁香木香以之厚脾二者俱不可闕也雖然酒家嗜好炙博亦有協熱而下血者此則黃連圓輩所

不可無肺經脉微亦主帶下此則草果白朮
雖可燥水亦須以阿膠佐之若夫帶之爲患
出於風冷停宿官桂乾姜細辛白芷先與散
其寒邪然後爲之封固所貴擇之精而用之
審云不應婦人大小產及諸下血新瘥未得
經久遠觸房事皆作崩中漏下二帶之疾又
有月事久閉纔得一通下部爲風邪所搏致
使敗瘀出而未盡亦作崩中漏下黃水或粉
紅滲漏無時其崩中下血不止者震靈丹參

粒陣米并香附煎湯食前送下又方人參白
朮炮薑炒甘草製羊夏縮砂香附木香等
分姜棗煎服又方圓白半夏剉碎以姜汁和
麩捏餅包裹炙令香熟去麩取半夏末之糯
米稀糊圓麻子大每服五十元芎歸湯沉香
降氣湯各半食空送下此皆止血之勝藥
嚴氏濟生方

十二帶下論治

巢氏病源論婦人有三十六疾所論三十六

疾者七癥八瘕九痛十二帶下是也然所謂
十二帶下者亦不顯其證狀今人所患惟赤
白二帶而已推其所自勞傷過度衝任虛損
風冷據於胞絡此病所由生也且婦人平居
之時血欲常多氣欲常少方謂主氣有原百
疾不生儻或氣倍於血氣倍生寒血不化赤
遂成白帶氣平血少血少生熱血不化紅遂
成赤帶寒熱交併則赤白俱下有室女或室
後虛損而有此疾者皆令孕育不成以致絕

嗣凡有是證速宜治之久而不治令人面色
黧黯肌肉瘦瘠腹脇脹滿攻刺疼痛甚致足
脛枯細多苦逆冷疔羸不能食矣診其脉右
手尺脉浮浮爲陽陽絕者無子苦足冷帶下
也

崩漏論治

崩漏之疾本乎一證輕者謂之漏下甚者謂
之崩中且平居婦人經脉調適衝任二脉互
相滋養陰陽二氣不相偏勝則月事以時下

儻若將埋失宜喜怒不節疲極過度大傷於肝蓋肝爲血之府庫喜怒勞役一或傷之肝不能藏血於宮宮不能傳血於海所以崩中漏下漏下者淋瀝不斷是也崩中者忽然暴下乃漏證之甚者也其狀或如豚肝或成五色與血俱下又或如泔涕如爛爪汗又或如豆羹汁如藍靛色至有黑如乾血相雜亦有純下瘀血者此皆衝任虛損喜怒勞役之過致傷於肝而然也久久不止面黃肌瘦虛煩

口乾臍腹冷痛吐逆不食四肢虛困甚則爲脹爲腫診其脉寸口脉弦而大弦則爲減大則爲芤減則爲寒芤則爲虛寒虛相搏其脉爲革主半產漏下又尺寸脉虛者漏血漏血脉浮者不可治治之之法調養衝任鎮注血海血海溫和歸於有用內養百脉外爲月事自無崩中漏下之患矣

嚴氏濟生續方
崩漏評治

崩漏之疾本乎一證然有輕重之別焉輕者謂之漏下漏下者淋漓不斷是也重者謂之崩中忽然暴下乃漏證之甚者也多因喜怒勞役以至衝任虛損陰陽互相勝負而然若血下過多真陰走耗遂致頭暈眼花氣乏怔忡身體羸瘦飲食減少腹內冷疼四肢無力驚惕恐怖此其證也前方論治有對論服之而作効者亦有試之而罔功者非藥之不應乃由衝任極虛血海極寒故尔蓋血緩則流

暢外爲月事內灌百脉今既虛極而又寒極血寒則凝而不運是以崩中不已狀如豚肝或下五色或與血俱下或如泔涕或如豆羹汁或如藍靛色或純下瘀血此血寒之極所致若以謂血熱致崩而用涼藥誤矣每用歲丹作效始進三五粒而未愈再進十粒尤未愈服至四五十粒差愈服至百粒方乃作效此歲丹之力也然歲丹之性全恃火力如水寒成冰血寒成塊血得溫則流散四肢冰得

日則烘消成水血凝得丹而流暢火之力也
大抵醫者意也以意醫之所以作效儻或疑
而未敢輕用先進陽起石圓服之二日未效
却進歲丹庶無可疑者也又有室女二七天
癸當至亦有當至而未至者近十八九左右
方行者有卒然暴下亦有淋瀝不止有若崩
漏者却又不宜服前二藥也口惟當以四物
湯加香附子煎血色鮮而不止者挾熱也宜
大熟地黃加生地黃煎臨病之際又在乎審

處之

管見大全良方

經脉不調證治

婦人月經不調或前或後或多或少或淋瀝不
止或肢體倦怠困乏少力飲食無味常服調
補者可與四物湯熟地黃圓內補當歸元
琥珀元勝金元當歸建中湯澤蘭元益陰丹
可選而用之

經血過多淋瀝不止者可與膠艾湯溫經湯
烏金散益陰丹澤蘭元小白薇元內補當歸
元熟乾地黄元
崩漏下血過多眩暈證治
崩漏下血過多頭目昏眩舉頭欲倒者可與
芎藭湯膠艾湯烏金散琥珀元暖宮元大聖
散內補當歸元若崩中敗血連日不止者滋
血湯

五色帶下調治

赤白帶下服諸藥不瘥者可服澤蘭元兼服
平補鎮心丹速效大聖散溫經湯小白薇元
紫石英元 若白帶不止腹常冷痛者可與
暖宮元麝香鹿茸元黑錫丹茴香元威喜元
澤蘭元正元散來復丹 若帶下五色者可
與益陰丹滋血湯伏龍肝散
血海冷憊證治
血海冷憊者可與暖宮元茴香元大聖散黑
錫丹麝香鹿茸元內補當歸元小白薇元

若血海虛憊久冷漏下赤白五色不定或如
豆鼓汁者可與溫經湯伏龍肝散四物湯
血海冷憊者可與暖宮元茴香元大聖散黑
錫丹麝香塵茸元內補當歸元小白薇元可
選而用之

月經不通證治

若月經不通及室女月脉不行者可與蒲黃
散逍遙散大聖散黑神散琥珀澤蘭元通真
元活血丹四物湯甚者紅花當歸散皆可選

用

婦人大全良方

調經

月經序論

歧伯曰女子七歲腎氣盛齒更髮長二七而
天癸至任脉通太衝脉盛月事以時下天謂
天真之氣降癸謂壬癸水名故云天癸也然
衝為血海任主胞胎腎氣全盛二脉流通經
血漸盈應時而下所以謂之月事者平和之

氣常以三旬壹見以像月盈則虧也若遇經
脉行時最宜謹於將理將理失宜似產後壹
般受病輕爲宿疾重可死矣蓋被驚則血氣
錯亂經脉斬然不行逆於身則爲血分勞瘵
等疾若其時勞力則生虛熱變爲疼痛之根
若恚怒則氣逆氣逆則血逆逆於腰腿則遇
經行時腰腿痛重過期卽安也逆於頭腹心
肺背脇手足之間則遇期行時其證亦然若
怒極則傷肝而有眼暈脇痛嘔血擦瘡癰瘍

之病加之經血滲漏於其間遂成竅穴淋瀝
無有已也凡此之時中風則病風感冷則病
冷久而不愈變證百出不可言者所謂犯時
微若秋毫感病重如山岳可不畏哉

精血篇

齊光祿大夫
褚澄遺書

飲食五味養髓骨肉肌膚毛髮男子爲陽陽
中必有陰陰中之數八故壹八而陽精升二
八而陽精溢女子爲陰陰中必有陽陽之中
數七故壹七而陰血升二七而陰血溢皆飲

食五味之實秀也方其升也智慮開明齒牙
更始髮黃者黑筋弱者強暨其溢也凡充身
體手足耳目之餘雖針芥之歷無有不下凡
子形肖父母者以其精血管於父母之身無
所不歷也是以父壹肢廢則子壹肢不肖其
父母壹目虧則子壹目不肖其母然雌鳥牝
獸無天癸而成胎何也鳥獸精血往來尾間
也精未通而御女以通其精則五體有不滿
之處異日有難狀之疾陰已痿而思色以降

其精則精不出而內敗小便道澁而爲淋精
已耗而復竭之則大小便道牽疼愈疼則欲
大小便愈便則愈疼女人天癸既至踰十年
無男子合則不調未踰十年思男子合亦不
調不調則舊血不出新血誤行或漬而入骨
或變而之腫或雖合而難子合男子多則瀝
枯虛人產乳衆則血枯殺人觀其精血思竭
半矣

產寶方序論

大率治病先論其所主男子調其氣女子調其血氣血人之神也不可不謹調護然婦人以血爲基本氣血宜行其神自清所謂血室不蓄則氣和血凝結則水火相刑月水如期謂之月信不然血凝成孕此乃調變之常其血不來則因風熱傷於經血故血不通或外感風寒內受邪熱脾胃虛弱不能飲食食既不充榮衛抑遏肌膚黃燥面無光澤時發寒熱腹脹作痛難於子息子藏冷熱久而勞損

必挾帶下便多淋瀝忽致崩漏經云腹中如塊忽聚忽散其病乃癥血澗不流而搏腹脹時作寒熱此乃成瘕或先後期雖通而或多或少或寡究病之原蓋本於此

王子亨方論

經者常候謂候其壹身之陰陽愆伏知其安危故其來必以月太過不及皆爲不調過於陽則前期而來過於陰則後時而至其有乍多乍少斷絕不行崩漏不止亦由陰陽衰盛

寒熱爲邪詳說於下
儒門事親

證婦人帶下赤白錯分寒熱解

君子非好與昔人辨以要譽也蓋昔人有壹
誤流爲千百世之禍者苟不證其非雖曰謙
讓其如人命何如精選聖惠方二十三卷論
婦人赤白帶下云婦人帶下者由勞神過度
損動經血致令身虛受於風冷風冷入於脬
絡傳其血之所成也又有巢氏內篇四十四

卷論任脉爲經之海其任之爲病女子則爲
帶下手太陽爲小腸之經也手少陰爲心之
經也心爲藏主於裏小腸爲府主於表二經
之血在於婦人上爲乳汁下爲月水衝任之
所統也衝任之脉旣起於脬內陰陽過度則
傷脬絡故風邪乘虛而入於脬中損衝任之
經傷太陽少陽之血致令脬絡之間穢與血
相兼帶而下冷則多白熱則多赤二家之說
皆非也夫治病當先識經絡靈也十二經中

有是動之病有所生之病大經有十二奇經有八脉言十二經之外復有此八道經脉也十二經與八道經脉通身往來經絡共二十道上下流走相貫周環晝夜不息與天同度自手太陰肺經起行陽二十五度行陰亦二十五度復會於手太陰肺經也然此二十道經絡上下周流者止壹十九道耳惟帶脉起小腹側季脇之端乃章門穴是也環身壹周無上下之源絡腠而過如束腠之於身難經

曰帶之爲病溶溶如坐水中衝任者是經脉之海也循腹脇夾臍傍傳流於氣衝屬於帶脉絡於督脉督脉者起於開元穴任脉者女子任養胎孕之所督脉乃是督領婦人經脉之海也衝任督三脉同起而異行壹源而三岐皆絡帶脉衝任督三脉皆統於篡戶廵陰器行廷孔溺孔上端衝任督三脉以帶脉束之因餘經上下往來遺熱於帶脉之間熱者血也血積多日不流火則從金之化金曰

從革而爲白乘少腹間寃熱白物滿溢隨洩而下絲絲不絕多不痛也或有痛者則壅礙因塞而成痛也內經曰少腹寃熱洩出白液寃者屈滯也病非本經爲他經寃抑而成此疾也寃壹作客客猶寄也遺客熱于少復久不去從金化而爲白設若赤白痢赤者新積也從心火白者舊積也從肺金故赤白痢不可曲分寒熱止可分新舊而治之假如癰癧始赤血次潰白膿又豈爲寒者哉而病者未

信也此今之劉河間常言之矣皆云寒多則白以乾姜亦石脂桃花丸治痢雖愈后以生血疾如白帶下病徑以白芍藥乾姜白帶雖愈則小洩必不利治寫痢與治帶下皆不可驟用峻熱之藥燥之則內水涸內水涸則必煩渴煩渴則小洩不利小洩不利則足腫面浮漸至不治內經曰思想無窮所願不得意淫于外入房大甚發爲筋痿淫衍白物如精之狀男子因洩而下女子絲絲而下

左傳曰少男惑長女風落山之象是為惑蠱之疾其文三虫同皿曰蠱乃是思慕色慾內生後蝕甚不可使用燥熱之藥攻之漸至形削羸瘦脉大者必死而不救且赤白痢者是邪熱傳於大腸下廣腸出赤白也帶下者傳於小腸入脬經下赤白也據此二證皆可同治濕法治之先以導水禹功寫訖次以淡齊降心火益腎水下小溲分水道則自愈矣頃頓丘一婦人病帶下連綿不絕白物或來已

三載矣命予脉之診其兩手脉俱滑大而有方得六七至常上熱口乾眩暈時嘔酢水余知其實有寒痰在胃中以瓜蒂散吐訖令痰三二升皆酢水也問如黃涎狀如爛膠次以漿粥養其胃氣又次用導水禹功以寫其下然後以淡齊滲泄之藥利其水道不數日而愈余實悟內經中所云上有病下取之下有病上取之又上者下之下者上之然有此法亦不可偏熱更宜詳其虛實而用之故知精

選聖惠方帶下風寒之言與巢氏論中赤熱白寒之說正莢難素相違公非敢妄論先賢恐後學又後不明未免從之而行也如其寡學之人不察病人脉息不寃病人經脉妄斷寒熱信用羣方暴熱之藥壹且有失雖悔何追嗚呼人命壹失其復能生乎赤白痢與赤白帶下皆不死人內經惟腸澼便血血溫身熱者死赤白帶下白液白物蠱病腎消皆不能死人有死者藥之誤也

治病百法

婦人月事沉滯

夫婦人月事沉滯數月不行肌肉不減內經曰此名爲瘦爲沉也沉者月事沉滯不行也急宜服桃仁承氣湯加當歸大作齊料服不過三服立愈後用四物湯補之更可用宣明方檳榔丸

血崩

夫婦人年及四十以上或悲哀太甚內經曰

悲哀太甚則心系急，心系急則肺布葉舉而
上焦不通，熱氣在中，故經血崩下。心系者，血
山也。如久不愈，則面黃肌瘦，慎不可與燥熱
之藥治之。豈不聞血得熱而流散，先以黃連
解毒湯，次以涼膈散、四物湯等藥治之，而愈
四物者是涼血也。乃婦人之仙藥也。量虛實
加減以消息用之。

經血暴下

夫婦人年及五十以上，經血暴下者，婦人經

血終于七七之數，數外暴下，內經曰：火主暴
速，亦因暴喜暴怒憂結驚恐之致，然也。慎不
可作冷病治之。如下峻熱之藥，則死。止可用
黃連解毒湯，以清於上。史用連殼灰、宗毛灰
以滲於下。然後用四物湯，加玄胡散、涼血和
經之藥是也。

赤白帶下

夫婦人赤白帶下，或出白物如脂，可服導水
丸、禹功散，或單用無憂散。量虛實加減瀉訖。

次用桂苓丸五苓散葶藶木香散同治濕治
 瀉法治之或用獨聖散上涌亦可也室女亦
 可治法雜論此下云室女白帶下可用茶調
 散吐之吐訖可服導水丸禹功散瀉之次
 服蘆葶木香散四物湯白朮散之類則愈矣
 治白帶者同瀉濕法則是也婦人有淫污水
 不止亦同
 此法也

月事不來

夫婦人月事不來室女亦可內經曰月事不
 來者是胞脉閉也胞脉者屬火而絡於脐中
 令氣上迫肺心氣不得下通故月事不來也

可用茶調散吐之吐訖可用玉燭散當歸散
 或三和湯桂苓白朮散柴胡飲子量虛實選
 而用之降心火益腎水開胃進食分陰陽利
 水道之藥是也慎勿服峻熱之藥若服之則
 變成肺痿骨蒸潮熱咳嗽咯膿嘔血喘小便
 澀滯寢汗不已漸至形瘦脉大雖遇良醫亦
 成不救嗚呼人之死者豈為命耶
 十形三療
 血崩

孟官人母年五十余血崩壹載愈川澤闌丸
黑神散保安丸白薇散補之不効戴人見之
曰天癸已盡本不當下血蓋血得熱而流散
非寒也夫女子血崩多因大悲哭悲甚則肺
葉布心系爲之恐血不禁而下崩內經曰陰
虛陽搏之爲崩陰脉不足陽脉有余數則內
崩血乃下流舉世以虛損治之莫有知其非
者可服火齊火齊者黃連解毒湯是也次以
揀香附子二兩炒白芍藥二兩焙當歸壹兩

焙三味同爲細末水調下又服檳榔丸不旬
日而安

婦人二陽病

壹婦月事不行寒熱往來口乾頰赤喜飲且
暮聞欬一二聲諸醫皆云經血不行宜蚩虫
水蛭乾漆礪砂元青紅娘子沒藥血竭之類
唯戴人不然曰古方中雖有此法奈病人服
之必臍腹發痛飲食不進乃命止藥飲食稍
進內經曰二陽之病發心脾心受之則血不

流故女子不月既心受積熱宜抑火升水流
濕潤燥開胃誘食乃涌出痰一二升下泄水
五六行濕水上下皆去血氣自然湍流月事
不爲水濕所隔自依期而至矣亦不用蚩虫
水蛭之類有毒之藥如用之則月經縱來小
溲反閉他證生矣凡精血不足當補之以食
大忌有毒之藥偏勝而成天闕

月閉寒熱

一婦年三十四歲經水不行寒熱往來面色

痿黃唇焦頰赤時欬三兩聲向者所服之藥
黑神散烏金丸四物湯燒肝散鼈甲散建中
湯寧肺散針艾百千病轉劇家人意倦不欲
求治戴人憫之先涌痰五六升午前涌畢午
後食進余證悉除後三日復輕涌之又去痰
一二升食益進不數日又下通經散瀉訖一
二升後數日去死皮數重小者如麩片大者
如葦膜不一月經水行神氣大康矣

白帶

息城李左衙之妻病白帶如水窵漏中繇繇不絕穢臭之氣不可近面黃食減已三年矣諸醫皆云積冷起不硫黃姜附之藥重重燥補污水轉多常如溲日易數次或用一藥以木炭十斤置藥在鉗鍋中搥泥封固三日三夜炭火不絕燒令通赤名曰火竜丹服至數升污水弥甚炳艾燒鍼三年之間不可勝數戴人斷之曰此帶濁水本熱乘太陽經其寒水不禁固故如此也夫水自高而趨下宜先

絕其上源乃涌痰水二三升次日下沃水十餘行三遍汗出周身至明旦病人云汚已不下矣次用寒涼之劑及半載產壹子內經曰少腹冤熱溲出白液帶之爲病溶溶然若坐水中故治帶下同治濕法瀉痢皆宜逐水利小溲勿以赤爲熱白爲寒令代劉河間書中言之詳矣

雜記九門二十餘年不許寒暑

誤中寒涼

經閉

一婦人年二十餘歲病經閉不行寒熱往來
欬嗽潮熱庸醫禁切無物可食壹日當暑出
門忽見賣涼粉者以冰水麻飲大爲壹冷頓
覺神清骨健數月經水自下
東垣試效方

經閉不行有三

陰陽別論云二陽之病發心脾有不得隱曲
女子不月其傳爲風消爲息賁者死不治婦

人脾胃久虛或形羸氣血俱衰而致經水斷
絕不行或病中消胃熱善食漸瘦津液不生
夫經者血脈津液所化津液既絕爲熱所燬
肌肉消瘦時見渴躁血海枯竭病名曰血枯
經絕宜瀉胃之燥熱補益氣血經自行矣此
證或經適行而有子子不安爲胎病者有矣
或心包脈洪數躁作時見大便秘澀小便雖
清不利而經水閉絕不行此乃血海乾枯宜
調血脈除包絡中火邪而經自行矣內經所

謂小腸移熱於大腸爲痔瘻爲沉月澁不利
則月事沉滯而不利故云爲痔瘻爲沉也或
因勞心心火上行月事不來安心補血瀉火
經自行矣故內經云月事不來者胞脉閉也
胞脉者屬心而絡於胞中令氣上迫肺心氣
不得下故月事不來也

經閉治驗

裴澤之之夫人病寒熱而月事不至者數年
矣已加喘嗽醫者率以蛤蚧桂附等投之曰

不然夫人病陰爲陽所搏溫劑太過故無益
而反害投以涼血和血之藥則經行矣已而
果然

經漏不止有三

陰陽別論云陰虛陽搏謂之崩婦人脾胃虛
損致命門脉沉細而數疾或沉弦而洪大有
力寸關脉亦然皆由脾胃有虧下陷於腎與
相火相合濕熱下迫經漏不止其色紫黑如
夏月腐肉之臭中有白帶者脉必弦細寒作

於中中有赤帶者其脉洪數疾熱明矣必腰痛或臍下痛臨經欲行先見寒熱往來兩脇急縮兼脾胃證出見或四肢困熱心煩不得眠卧心下急宜大補脾胃而升舉血氣可壹服而愈或人故貴脫勢人事踈少或先富後貧心氣不足其火大熾旺於血脉之中又致脾胃飲食失節火乘其中形質肌肉容顏似不病者此心病者不行於診故脾胃飲食不調其證顯矣而經水不時而下或適來適斷

暴下不止治當先說惡死之言勸諭令拒死而心不動以大補氣血之藥舉養脾胃微加鎮墜心火之藥治其心補陰瀉陽經自止矣痿論云悲哀大甚則胞絡絕則陽氣內動發則心下崩數溲血也故本病曰大經空虛發則肌痺傳爲脉痿此之謂也

崩漏治驗

宣德侯經歷之家人病崩漏醫莫能效切脉且以紙疏其證至四十餘種爲藥療之明日

而二十四證減前後五六日良愈俟厚謝而去凡治設施皆此類也

澹寮方

女子二七而天癸至任脈通大衝盛月水以時下故有子丈夫二八腎氣盛天癸至精氣溢陰陽和故有子年老有子者氣脈當通腎氣有餘也有子男不過盡八八女子不過七七而天地精氣竭矣過此而有子壽不過天癸之數也醫說婦人衝任之脈起胞中爲經之

海手太陽小腸之經也手少陰心之經也二經爲表裏主下月水月水來如期謂之月信其不來者緣風冷傷本經故血結在內不通也或曾經唾血或吐血致血枯或醉以入室勞傷肝氣肝藏血血竭於內俱令月水不通又胃氣虛不能消化水穀使津液不生而氣亦令月水不通其候腸中鳴是也但益津液則經血自下此說極有理恐亦當益胃氣也久不通者血結爲塊若脾胃虛弱則變爲水腫土不勝水故

也其月水來而斷者由勞傷經脉衝任氣虛

不能制經血也

東號婁居中
食治通說

醫方大成

婦人調經衆疾論

夫女子十四則月水行男子十六則陽精溢
此皆合乎陰陽之數各及其時故男子之精
氣宜盛女子之月水宜調調經之道貴乎耗
其氣以行其血血盛氣衰是謂之從從則百
病不生孕育無損矣且婦人之病四時所感

六淫七情所傷悉與男子治法一同惟胎前
產後七癥八瘕崩漏帶下之證為異故別貯
方究其所因多由月水不調變生諸證大槩
婦人之疾以經候如期為安或有愆期當審
其冷熱虛實而調之先期而行者血熱故也
法當清之過期而行者血寒故也法當溫之
然又不可不察其有無外邪為之寒熱而後
投藥且經行之際與產後壹般將理失宜為
病不淺若被驚則血氣錯亂經脉斬然不行

逆於上則從鼻口中出逆於身則為血分勞
瘵之疾若其時勞力大過則生虛熱變為疼
痛之根若恚怒則氣逆氣逆則血逆逆於腰
腿心腹背脇之間遇經行時則痛而重著過
期又安若怒極而傷於肝則又有眼暈嘔吐
之證加之經脉滲漏於其間遂成竅穴淋瀝
不已凡此之時中風則病風感冷則病冷久
而不治崩漏帶下七癥八瘕可立而待若能
治病於未然當以調經為先故首論之各備

諸方依次于后
永類鈴方

月水不斷證治

婦人衝任之脉為經脉之海手太陽小腸之
經手少陰心之經此二經為表裏上為乳汁
下為月水若勞傷經脉衝任氣虛不能制經
血令月水不斷若時止時行腹痛脉沉細此
寒熱邪氣客於胞中非因虛弱也
崩暴下血不止

婦人崩中者六淫七情傷損經脈衝任血氣俱虛不能約制也然有冷熱虛實形色之異若傷足厥陰肝經其色青如泥色傷手少陰心經其色赤如紅津傷手太陰肺經其色白形如涕傷足太陰脾經其色黃如爛瓜傷足少陰腎經其色黑如衄血其風邪冷熱之氣并穢液與血三者相兼而下赤白相半謂之赤白帶投熟艾餘糧牡蠣海螵蛸可也衝任傷損脾虛衛弱不能約制其血暴下謂之崩

中投芎歸香附黑藥等止之可也或非時血行淋瀝不斷名漏下崩之中復有瘀血時崩時止謂之崩中漏下所下五色應前五臟其治法又當知衛氣所以溫分肉司開闔而胃爲血海水液會焉又所以主肌肉而約血水也衛氣與胃氣俱虛則肌膚空弱湊理不密血之與水不能約制其不止宜矣必加意於固衛厚脾之劑此活人桂枝附子湯可以固衛人參白朮茯苓可以厚脾不可少也若經

候過多遂至崩漏色明如水下得温則順甚者至於昏悶其脉數疾小為順大甚者逆此陰陽為熱所乘攻傷衝任血得熱則溢陽傷於陰令人下血當補其陰此冷熱虛實不可不分也
压機微義

論經閉不行

內經陰陽別論云二陽之病發心脾有不得

隱曲云云已而果然

詳見東垣試效方

要略曰婦人之病因虛積冷結氣為證經水斷絕至有歷年血寒積結胞門寒傷經絡凝堅在上嘔吐涎唾久成肺癰形體損分在中盤結繞臍寒疝或兩脇疼痛與臟相連或結熱中痛在關元脉數無瘡經候不勻冷陰掣痛少腹惡寒或引腰脊下根氣街云云
謹按良方言婦女月水不通由勞傷血氣致令體虛受風寒邪氣客於胞內損衝任之脉并手太陽少陰二經致胞絡內血絕

不通如已上病機皆略之不議且血病經閉又豈止手太陽少陰二經耶然亦有不因寒熱或痰飲積聚疝瘕所致如七情所動其爲氣病血從一也况陰道常虛不足者實多宜翫血證門血屬陰難成易虧論及後丹溪先生等說

論經水不調或紫或黑

丹溪曰經水者陰血也陰必從陽故其色紅稟火色也血爲氣之配氣熱則熱氣寒則寒

氣升則升氣降則降氣凝則凝氣滯則滯氣清則清氣濁則濁上應於月其行有常名之曰經爲氣之配因氣而行成塊者氣之凝也將行而痛者氣之滯也來後作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也今人但見其紫者黑者作痛者成塊者率指爲風冷乘之而行溫熱之劑禍不旋踵矣良由病源論月水之病皆曰風冷乘之宜其

溫習而成俗也或曰黑者北方水之色也紫者黑之漸也非冷而何予曰經云亢則害承乃制熱甚者必兼水化所以熱則紫甚則黑也况婦人性熱而鄙嗜欲加倍藏府厥陽之火無日不起非熱而何若曰風冷必須外得設或有之吾恐十百而一二也

按此論經病甚詳大抵不得率指為風冷所乘者此由良方所言世俗往往因之悞人故戒慎之也然冷證外邪初感入經必

痛或不痛者久則鬱而變熱矣且寒則凝既行而紫黑故非寒也

論經漏不止

內經陰陽別論云陰虛陽搏謂之崩 云云 肌

痺傳為脉痿此之謂也 詳見東垣試效方

良方論曰婦人崩中由臟腑傷損衝任血氣俱虛故也衝任為經脉之海血氣之行外循經絡內榮臟腑若無傷損則陰陽和平而氣血調適若勞動過多致臟腑俱傷而衝任之

氣虛不能約制其經血故忽然暴下或由陰陽相搏爲熱所乘攻傷衝任血得熱則流散甚者至於昏悶其脉數疾小爲順大甚者逆按此備言經脉致病之因本於臟腑傷損合前東垣所論極言因熱因虛或悲哀七情等所致病機殆無餘蘊矣

脉法

脉經曰尺脉滑血氣實婦人經脉不利少陰脉弱而微微則少血少陰脉滑而數者陰

中則生瘡寸口脉浮而弱浮則爲虛弱則無血脉來至狀如琴弦若少腹痛主月水不利孔竅生瘡肝脉沉主月水不利腰腹痛尺脉來而斷絕者月水不利寸關調如故而尺脉絕不至者月水不利當患小腹引腰痛氣滯上攻胃臆也入經不通繞臍其痼痛其脉沉緊此由寒氣客於血室血凝不行結積血爲氣所衝新血與故而相搏故痛漏血下赤白脉遲者脉小虛滑者生急疾

者大緊實數者死暴崩下血寸口脉微遲
尺脉微弦微遲爲寒在上焦但吐衄今尺脉
微弦如此卽小腹痛引腰脊痛者必下血也
寸口弦而大弦則爲減大則爲芤減則爲
寒芤則爲虛寒虛相搏脉則爲革婦人則半
產漏下尺脉急而弦大風邪入少陰之經
女子漏自下赤漏下赤白日下血數斗脉
急疾者死遲者生尺寸脉虛者漏血漏血
脉浮不可治也

論赤白帶下

錢要云赤者熱入小腸白者熱入大腸其本實
熱寃結于脉不能故爲赤白帶下也寃屈也結
也屈滯而病熱不散先以十棗湯下之後服苦
棟丸大玄胡散調下之熱去濕除病自除也
按此正是論有餘之證也論見下

良方論云帶下起於風氣寒熱之所傷或產
後早起不避風邪風邪之氣入於胞門或中
經脉流轉臟腑而發下血名爲帶下若傷足

厥陰肝之經其色青如泥傷手少陰心之經其色赤如紅津傷手太陰肺之經其色白形如涕傷足太陰脾之經則其色黃如爛爪傷足少陰腎之經則色黑如衄血此其因也

按此言風氣寒熱之所傷諸臟致證似言外邪大抵此證多有本於陰虛陽竭榮氣不升經脉凝泣衛氣下陷精氣累滯於下焦奇經之分蘊積而成其病或醉飽房勞服食燥劑所致也白物如涕之狀故言帶

者亦病形也經云帶脉爲病而得名而白者屬氣赤屬血東垣舉脉訣云崩中日久爲白帶漏下多時骨木枯言崩中者始病血崩久則血少復亡其陽故白滑之物下流不止此可見未得全拘於帶脉矣詳病亦有濕痰流注於下焦或腎肝陰滯之濕勝或因驚恐而木乘上位濁液下流或思慕爲筋痿內經所謂二陽之證發心脾是也或餘經濕熱屈滯於少腹小腹之下而

病本殊則皆爲氣血虛損榮衛之精氣累滯而成其病標壹也前人立論殆盡病機則治法無定若戴人以帶下得兩手脉俱滑大而有力乃上用宜去痰飲下以導水丸泄濕熱繼以淡劑滲之此爲瀉實也如其諸脉微細或沉緊而澁按之空虛或洪大而澁按之無力正爲元氣不足陰虛筋痿虛極中寒等證東垣有補陽調經固真等例乃兼責虛也丹溪先生治因濕痰下

注用海石南星椿根皮之類較之前人下之而復吐以提其氣或痰中兼補補中類利燥中兼升發潤中益氣溫而兼收澁之例不同蓋病機有輕重淺深之異小

金匱方

婦人之病因虛積冷結氣爲諸經水斷絕至有歷年血寒積結胞門寒傷經絡凝堅在上嘔吐涎唾久成肺癰形體損分在中盤結繞臍寒疝或兩脇疼痛與臍相連或結熱中痛

在關元脉數無瘡肌若魚鱗時著男子非止
女身在下未多經候不勻冷陰掣痛少腹惡
寒或引腰脊下根氣街氣街急痛膝脛疼煩
奄忽眩冒狀如厥癰或有憂慘悲傷多嗔此
皆帶下非有鬼神久則羸瘦脉虛多寒三十
六病十變萬端審脉陰陽虛實緊弦行其針
藥治危得安其雖同病脉各異源子當辨記
勿謂不然

問曰婦人年五十所病下利數中不止暮

卽發熱少腹裏急腹滿手掌煩熱唇口乾燥
何也師曰此病屬帶下何以故曾經半產瘀
血在少腹不去何以知之其證唇口乾燥故
知之當以溫經湯主之

溫經湯方

吳茱萸三兩 當歸 芍藥 芍藥各二兩 人參

桂枝 阿膠 牡丹去心 生薑 甘草各二兩

半夏半升 麥門冬乙升 去心

右十二味以水壹斗煮取三升分溫三服

亦主婦人少腹寒久不受胎兼取崩中
去血或月水來過多及至期不來

帶下經水不利小腹滿痛經壹月斬見者土
瓜根散主之

土瓜根散方陰癰腫亦主之

土瓜根 芍藥 桂枝 蟻虫各三分

右四味杵為散酒服方寸匕日三服
寸口脉弦而大弦則為減大則為芤減則為
寒芤則為虛寒虛相搏此名曰革婦人則半

產漏下旋覆花湯主之

旋覆花湯方

旋復花三兩 葱拾肆莖 新絳少許

右三味以水三升煮取壹升頓服之

婦人陷經漏下黑不解膠姜湯主之臣憶等校諸本

無膠姜湯方想是前妊娠中膠艾湯

婦人少腹滿如敦狀小便微難而不渴坐後
者此為水與血并結在血室也大黃甘遂湯
主之

大黃甘遂湯方

大黃四兩○三因方蒸甘遂二兩○三因方炮阿膠二兩○三因方炒

因方炒

右三味以水三升煮取壹升頓服之其血常下○三因方右剉散每服三錢水壹盞

煎七分去滓溫服其血當下婦人大全良方同

婦人經水不利下抵党湯主之亦治男子膀胱滿急有瘀血者
抵党湯方

水蛭叁十介熬蠱蟲三十熬桃仁貳十介大黃三兩

酒浸

右四味為末以水五升煮取三升去滓溫服壹升○三因方抵党湯治婦人經水不

利水蛭剉炒蠱蟲去翅足各炒桃仁叁十七介

大黃蒸叁錢右為麤末每服四錢水壹盞

半煎七分去滓溫服血未利更服亦治男子有瘀血膀胱痛

婦人經水閉不利藏堅癖不止中有乾血下

白物礬石丸主之

礬石丸方參因方名礬石兌丸

礬石參分杏仁乙分○參因方去皮尖炒

右二味末之煉蜜和丸棗核大內臍中劇者再內之○三因方右研杏仁細入礬灰加少蜜丸如棗大絲裏內陰中未知再作千金方

月水不通

桃仁湯治婦人月水不通方

桃仁 朴消 牡丹皮 射干 土瓜根

黃芩各參兩芍藥 大黃 柴胡各四兩牛膝

桂心各二兩水蛭 蠱蟲各七枚

右十三味咬咀以水九升煮取二升半去滓分三服○肘後方桃仁牡丹皮夜干牛膝土苽根芒消黃芩各三兩芍藥大黃柴胡桂心各四兩水蛭蠱蟲各七枚十三物以水九升煮取二升分三服則甚妙乾薑圓治婦人寒熱羸瘦酸消怠惰胃中支

滿肩背脊重痛腹裏堅滿積聚或痛不可忍
引腰小腹痛四肢煩疼手足厥逆寒至肘膝
或煩滿手足虛熱意欲投水中百節盡痛心
下常苦懸痛時寒時熱惡心涎唾喜出每愛
鹹酸甜苦之物身體或如鷄皮月經不通大
小便苦難食不生肌

- 乾薑 芎藭 茯苓 消石 杏仁 水
- 蛭 蠱蟲 桃仁 蠐螬 麝虫 各壹兩 柴
- 胡芍藥 人參 大黃 蜀椒 當歸

各二兩

右十六味為末蜜和丸如梧子空心飲下
三丸不知加至十丸 千金翼方以療婦人疲結脇助下疾
乾漆湯治月水不通小腹堅痛不得近方

- 乾漆 千金翼方熬 菱麩 芍藥 細辛 甘草
- 翼方 附子 各壹兩 燔去皮 當歸 桂心
- 芒消 黃芩 各二兩 大黃 各兩 吳茱萸 壹升

右十二味咬咀以清酒壹斗浸壹宿煮取

三升去滓內消烱盡分爲三服相去如壹
炊頃

芒消湯治月經不通方

芒消 丹砂末 當歸 芍藥 土瓜根

水蛭各貳兩○千 大黃三兩 桃人壹升○翼

及雙

右八味咬咀以水九升煮取三升去滓內

丹砂芒消翼方烱 分爲三服翼方此下云

項

治月經不通心腹絞痛欲死通血止痛方

當歸 大黃 芍藥各三兩 吳茱萸 乾地

黃 乾薑 芎藭 蟲蟲 水蛭各貳兩 細

辛 甘草 桂心各壹兩 梔子拾四枚 桃仁壹升

右十四味咬咀以水壹斗五升煮取五升

分爲五服壹本有牛膝麻子人各三兩

桃仁湯治月經不通方

桃仁升 當歸 土瓜根 大黃 水蛭

蟲蟲 芒消各貳兩 牛膝 麻子人 桂心

各參兩

右十味改咀以水九升煎取三升半去滓

內消令烱分為三服肘後方無當歸麻子人用牡丹射干黃芩

芍藥柴胡各三兩為拾三味千金翼方無蟲虫

前胡牡丹湯治婦人盛實有熱在腹月經瘀

閉不通及勞熱熱病後或因月經來得事不

通方

前胡 牡丹 玄參 桃仁 黃芩 射

干 旋復花 栝樓根 甘草各貳兩 芍藥

茯苓 大黃 枳實各參兩

右十三味改咀以水壹斗煮取三升分為

三服

乾地黄當歸圓治月水不通或壹月再來或

隔月不至或多或少或淋瀝不斷或來而腰

腹刺痛不可忍四體噓吸不欲食心腹堅痛

有青黃黑色水下或如清水不欲行動與體

沉重惟思眠卧欲食酸物虛乏黃瘦方

乾地黄三兩 當歸 甘草各壹兩半 牛膝 芍藥

乾薑 澤蘭 人參 牡丹各壹兩 川參

蜀椒 白芷 黃芩 桑耳 桂心各壹兩

蟻四拾枚 芎藭壹兩拾 桃仁二兩 水蛭 蟲

各七枚 蒲黃二合

右二十壹味為末蜜和丸如梧子大每日

空心酒下寸五丸漸加至三十九以知為

度壹本無

牡丹圓治婦人女子諸病後月經閉絕不通及從小來不通并新產後瘀血不消服諸湯

利血後餘痰未平宜服之取平復方

牡丹三兩 芍藥 玄參 桃仁 當歸 桂

心各二兩 蟲蟲 水蛭各五枚 蠶螬二拾枚 瞿麥

芎藭 海藻各壹兩

右十二味為末蜜和丸如梧子大酒下十五丸加至二十九血盛者作散服方寸匕腹中當轉如沸血自化成水去如小便赤少除桂心用地膚子壹兩

黃芩牡丹湯治女人從小至大月經未嘗來

顏色萎黃氣力衰少飲食無味方

黃芩 牡丹 桃人 瞿麥 芎藭 各貳兩

芍藥 枳實 射干 海藻 大黃 各三兩

蟲蠱 七拾枚 水蛭 五拾枚 螻蛄 拾枚

右十三味以水壹斗煮取三升分三

服服兩劑後灸乳下壹寸黑負際各五十

壯

治月經不通方取葶藶壹升為末蜜丸如彈

子大絲裏內陰中入三寸每丸壹宿易之

有汁出止

乾漆圓治月經不通百療不瘥方

乾漆 土瓜根 射干 芍藥 各壹兩 牡丹

牛膝 黃芩 桂心 吳茱萸 大黃

柴胡 各壹兩 桃仁 鱉甲 各貳兩 蜚蠊

蟪 各肆拾枚 水蛭 蟲虫 各七拾枚 大麻人 合亂髮

雞子 貳枚 菴藷子 合貳枚

右二十味為末以蜜和為丸每日酒下十

五丸梧子大漸加至三十拾丸日三仍用後

浸酒服前丸藥

浸酒方

大麻子三升菴藷子貳升桃仁一升竈屋焙煤肆兩

土瓜根射干各六兩牛膝八兩桂心四兩

右八味咬咀以清酒三斗絹袋盛藥浸五

宿以壹盞下前丸藥甚良或單服之亦好

當歸圓治女人臍下癥結刺痛如虫所嚙及

如錐刀所刺或赤白帶下拾二疾腰背疼痛

月水或在月前或在月後

當歸 葶藶 附子 吳茱萸 大黃各

兩黃芩 桂心 乾姜 牡丹 芍藥各

兩細辛 秦椒 柴胡 厚朴各一兩牡

蒙一方甘草各一兩蟲虫各五水蛭拾枚

右十八味為末蜜和丸如梧子大空心酒

下十五丸日再有胎勿服之

驚甲元治女人小腹中積聚大如七八寸盤

而上下周流痛不可忍手足苦冷欬噫腥臭

兩脇熱如火炙玉門冷如風吹經水不通或

在月前或在月後服之三拾日便瘥有孕此是河內太守魏夫人方

鱉甲 桂心 各一兩 蜂房 兩 玄參 蜀椒

細辛 人參 苦參 丹參 沙參 吳

茱萸 各十銖 蟻虫 水蛭 乾姜 牡丹

附子 皂莢 當歸 芍藥 甘草 防

葵 各一兩 蟻螬 貳拾枚 蟲虫 大黃 各壹兩

右二十四味為末蜜和丸如梧子大酒下

七丸日三稍加以知為度

又方治婦人因產後虛冷堅結積在腹內月經往來不時苦腹脹滿繞臍下痛引腰背手足煩或冷熱心悶不欲食

鱉甲 一兩 乾姜 赤石脂 丹參 禹餘

糧 當歸 白芷 一方 乾地黄 各壹兩 代

赭 甘草 鹿茸 烏賊骨 殭蠶 各拾

桂心 細辛 蜀椒 附子 各壹兩

右拾七味末蜜和丸如梧子大空心酒下

五丸加至拾丸

禹餘糧元治婦人產後積冷堅癖方

禹餘糧 烏賊骨 吳茱萸 桂心 蜀

椒 各二兩 當歸 白朮 細辛 乾地黃

人參 芍藥 芎藭 前胡 各壹兩 乾姜

三兩 礬石 六銖 白薇 紫菀 黃芩 各十銖 蠶虫

兩壹

右十九味為末蜜和丸如梧子空心酒若

飲下二十九日二不知則加之

牡蒙元治婦人產後十二癥病帶下無子皆

是冷風寒氣或產後未滿百日胞絡惡血未

盡便利於懸圃上及久坐濕寒入胞裏結在

小腹牢痛為之積聚小如雞子大者如拳按

之跳手隱隱然或如虫嚙或如針刺氣時搶

心兩脇支滿不能食飲食不消化上下通流

或守胃管痛連玉門背膈嘔逆短氣汗出少

腹苦寒胞中創欬引陰痛小便自出子門不

正令人無子腰膝疼痛四肢沉重滯躓壹身

盡腫乍來乍去大便不利小便淋瀝或月經

不通或下如腐肉青黃赤白黑等如豆汁夢
想不祥方亦名紫蓋丸

牡蒙 厚朴 消石 前胡 乾姜 麝

虫 牡丹 蜀椒 黃芩 桔梗 扶苓

細辛 葶藶 人參 芎藭 吳萸 棗

桂心各一八銖 大黃二兩半 附子壹兩六銖 當歸兩半

右二十味為末蜜和更擣萬杵凡如梧子

大空心酒服三九日三不知則加之至五

六九下赤白青黃物如魚子者病根出矣

治月經不通結成癥瘕如石腹大骨立宜此
破血下癥方

大黃 消石各六兩 千金○ 巴豆翼方貳十枚去

皮心 蜀椒各壹兩 代赭翼方二兩 柴胡

熬變 水蛭 丹參熬令紫色 七爪根各三兩 乾漆

翼方 芎藭 乾姜 蟲虫翼方去足熬 茯苓各

兩 右十四味為末巴豆別研蜜和丸如梧子

空心酒服二丸翼方三丸 未知加至五九日再

服翼方無柴胡水

大蟲蟲元治月經不通六七年或腫滿氣逆

腹脹痠痛宜服此數有神驗方

竅蟲四伯枚○千金蟻升○乾地黃

牡丹乾漆翼方芍藥牛膝土瓜根

桂心兩各四吳茱萸翼方桃仁翼方去皮黃

芩黃牡蒙兩各三茯苓海藻水蛭伯

枚○翼芒消人參壹兩葶藶五合○翼

方熬芒消兩人參半葶藶方熬令紫

右十九味為末翼方別搗桃蜜和丸如梧

子人每日空心酒下七丸不知加之日三

服千金翼無

桂心酒治月經不通結成癥瘕方

桂心 牡丹 芍藥 牛膝 乾漆 土

瓜根 牡蒙各四吳茱萸壹升大黃叁兩黃芩

乾姜各二蟲虫二伯麝虫蟻水蛭

各七亂髮灰細辛各一殭蠶五拾大麻

入竈突墨升乾地黃六虎杖根鱉甲

各五兩 菴藷子二升

右二十四味咬咀以酒四斗分兩甕浸之
七日併壹甕盛攪令調還分作兩甕初服
二合日二加至三四合

治月經閉不通結瘕腹大如甕短氣欲死方

虎杖根百斤去頭去土暴乾切 土瓜根 牛膝各收汁二

右三味咬咀以水壹斛浸虎杖根壹宿明
旦煎取三斗內土瓜牛膝汁攪令調勻煎

令如飴每以酒服壹合日再夜壹宿血當

下若病去但服千金翼方同

桃仁煎治帶下經閉不通方

桃仁千金翼方去皮尖及雙仁王氏集驗方壹兩 蟲蟲各壹升

去翅足熬集驗方半兩 朴消五兩○集 大黃六兩○

右四味為末別治桃仁翼方別搗 以醇苦

酒四升內銅鑪中炭火煎取二升下大黃

桃仁蚘虫等攪勿住手當欲可丸下朴消

翼方煎減一升內藥三枚之又減壹升內朴消三史攪勿住手良久出之可丸乃止取壹丸如鷄子黃投酒中翼方投壹宿勿食服之至晡時下如升美酒中大豆汁或如雞肝凝血蝦蟆子或如膏此是病下也○婦人大全良方治月水不調阻滯不通大黃炮朴硝桃仁去皮尖雙入蟲虫壹兩去足翅炒黑用右爲細末用醋五升入銀石器內慢火熬成膏可圓圓如梧椰子大當日晚不須喫食五更初以溫酒吞下壹

圓至明日午際取下如赤豆汁或似雞肝蝦蟆衣其病下了卽壹圓分作二服末下再服候鮮紅卽住服仍以調氣湯散補之永類鈴方千金桃仁煎治血積癥瘕月水不行大黃朴消桃仁制炒各二兩蟲虫壹兩去足翅炒黑右細末醋二升半銀石器中慢火熬膏却入大黃桃仁蟲虫末不住攪度可元却入朴消再攪良久出之丸如梧子大五更初溫酒下五元至日午取下如赤豆汁雞

肝蝦蟇衣樣候鮮紅住服仍以調氣藥補之

治月經不通臍下堅結大如杯升發熱往來

下痢羸瘦此為氣瘕壹作血瘕若生肉瘕王氏集驗方肉

瘕不可為也療之方

生地黄三拾斤取汁乾漆壹斤為末

右二味以漆末內地黃汁中微火煎令可

丸每服酒下如梧子大三集驗方不知三五丸

加之常以食後服附後方同○產寶療經脉不

通臍下結硬發熱下痢黃瘦此血瘕也坐

肉瘕方地黄五斤汁乾漆十分酒為煮或作

丸空腹酒下十五丸

治月經不通甚極閉塞方

牛膝膏斤麻子三升蒸土瓜根兩桃仁二升○

方熬去皮尖雙仁

右四味咬咀以好酒壹斗五升浸五宿壹

服五合漸加至壹升日三翼方日能多益

佳

牡蠣元治經閉不通不欲飲食方

牡蠣四兩○千金翼方熬壹兩大黃壹斤柴胡五兩乾姜三兩

芎藭各二兩半○翼方叁兩半蜀椒十兩○翼方去目及

閉口葶藶子翼方二兩○令紫色別搗芒消翼方五兩杏仁

各五合○翼方別搗如膏水蛭翼方熬蟲虫各半兩○翼方熬去翅足

桃仁七十枚○尖雙入熬別搗如膏

右十三味為末蜜丸翼方和前件亭陸桃人杏仁等脂鍊蜜和

為丸如梧子大飲服七丸日三翼方日再

當歸元治腰腹痛月水不通利方

當歸 芎藭各四兩○金翼方二兩蟲虫 烏頭

丹參 乾漆各壹兩人參 牡蠣 土瓜根

水蛭各二兩桃仁五十枚

右十壹味為末以白蜜丸如梧子大酒下

三丸日三服

赤白帶下崩中漏下

諸方說三十六疾者十二癥九痛七害五傷

三痼不通是也何謂十二癥是所下之初一

日狀如膏二日如黑血三日如紫汁四日如

赤肉五日如膿痂六日如豆汁七日如葵羹
 八日如凝血九日如清血血似水十日如米
 泔十一日如月浣乍前乍却十二日經度不
 應期也何謂九痛一曰陰中痛傷二曰陰中
 淋瀝痛三日小便即痛四曰口冷痛五日經
 來即腹中痛六曰氣滿痛七日汗出陰中如
 有蟲嚙痛八曰脅下分痛九曰腰膝痛何謂
 七害一曰窮孔痛不利二曰中寒熱痛三日
 小腹急堅痛四曰藏不仁五日子門不端引

背痛六日月浣乍多乍少七曰害吐何謂五
 傷一曰兩脇支滿痛二曰心痛引脇三曰氣
 結不通四曰邪思洩利五曰前後痼寒何謂
 三痼一曰羸瘦不生肌膚二曰絕產乳三曰
 經水閉塞病有異同具治之方
 白堊元治女人三十六疾方又方見後

白堊 龍骨 芍藥各十八銖 黃連 當歸
 茯苓 黃芩 瞿麥 白欽 石韋 甘
 草 牡蠣 細辛 附子 禹餘糧 白

石脂 人參 烏賊骨 藁本 甘皮

大黃 已上各半兩

右二十壹味為末蜜和丸如梧子大空腹飲服十九日再不知加之二十日知壹月百病除若十二癥倍牡蠣禹餘糧烏賊骨白石脂龍骨若九痛倍黃連白斂甘草當歸若七害倍細辛藁本甘皮加椒茱萸各壹兩若五傷倍大黃石韋瞿麥若三瘕倍人參加赤石脂礬石巴戟天各半兩合藥

時隨病增減之

治女人腹中十二疾壹日經水不時二日經來如清水三日經水不通四日不周時五日生不乳六日絕無子七日陰陽減少八日腹苦痛如刺九日陰中寒十日子門相引痛十一日經來凍如葵汁狀十二日腰急痛凡此十二病得之時因與夫卧起月經不去或卧濕冷地及以冷水洗浴當時取快而後生百疾或瘡痍未瘥便合陰陽及起早作勞衣單

席薄寒從下入方

半夏 赤石脂各一兩 蜀椒 乾姜 吳

茱萸 當歸 桂心 丹參 白欬 防

風各一兩 藿蘆兩半

右十壹味為末蜜和丸如梧子大每日空

心酒服十丸日三不知稍加以知為度

白石脂元治婦人三十六疾胞中痛漏下赤

白方

白石脂 烏賊骨 禹餘糧 牡蠣各拾八錢

赤石脂 乾地黄 乾姜 龜骨 桂心

石韋 白欬 細辛 芍藥 黃連 附

子 當歸 黃芩 蜀椒 鍾乳 白芷

芍藥 甘草各半兩

右二十二味為末蜜和丸如梧子大每日

空心酒下十五丸日再壹方有黃蘗半兩

小牛角鯁散治帶下五費一日熱病下血二

日寒熱下血三日經脉未斷為房事則血漏

四日經來舉重傷在脉下血五日產後臟開

經利五貫之病外實內虛方

牛角鯁一枚燒令赤鹿茸鹿茸禹餘糧

常歸續斷各二兩阿膠三兩

烏賊骨各一兩赤小豆二升

烏賊骨赤小豆

右十味治下篩空腹以酒服方寸匕日三

龍骨散治淳下拾二病絕產一曰白帶二曰

赤帶三曰經水不利四曰陰胎五曰子藏堅

六曰藏癖七曰陰陽患痛八曰內強九曰腹

寒拾日藏閉拾壹日五藏酸痛拾二日夢與

鬼交宜服之淳青木作腹下

龍骨三兩黃蘗兩半夏兩龍中黃土兩桂心兩

乾姜各二兩石韋兩滑石各兩烏賊骨代

赭各四兩白殭蠶五枚

右拾壹味治下篩酒服方寸匕日三白多

者加烏賊骨殭蠶各二兩赤多者加代赭

五兩小腹冷加黃蘗二兩子藏堅加乾姜

桂心各二兩已上各隨病增之服藥三月

有子即住藥藥太過多生兩子當審方取
好藥寡婦童女不可妄服

治女人帶下諸病方各二兩水煎服

大黃蒸三斗附子 茯苓 牡蒙 牡丹

桔梗 葶藶各參厚朴 芎藭 人參

當歸 蟲虫 蜀椒 吳茱萸 柴胡

乾姜 桂心各半細辛二兩

右拾八味為末蜜和丸如梧子大每日空

心酒服二丸不知加以腹中溫溫為度

壹本有麻子參兩澤蘭
半兩而無蜀椒葶藶

治帶下百病無子服藥拾四日下血二拾日

下長虫及清黃汁出三拾日病除五十日肥

白方

大黃破如豆粒
熬令黑色柴胡 朴消各壹斤芎藭五兩

乾姜 蜀椒各壹升茯苓如雞子
大壹枚

右七味為末蜜丸如梧子大先食米飲服

七丸不知加至拾丸以知為度

治帶下方婦人大全良方水類鈔方
玉機微義脉數者可用

枸杞根壹斤○微生地黃五斤○微

右二味咬咀以酒壹斗煮取五升分爲三

服水煮亦得微義右二味酒煮壹

治婦人及女子赤白帶方

禹餘糧 當歸 芎藭各壹兩半赤石脂壹兩

石脂 阿膠 龍骨 石葦壹兩陸銖烏賊骨

黃蘗 白欬 黃芩壹兩黃連續斷 王桑耳

牡蠣各壹兩

右十五味爲末蜜丸梧子大空心飲下十

五九日再加至三十丸爲度

白馬蹄元治女人下焦寒冷成帶下赤白浣方

白馬蹄 鱉甲 鯉魚甲 龜甲 蜀椒

各壹兩磁石 甘草 杜仲 草薺 當歸

續斷 芎藭 禹餘糧 桑耳 附子各貳兩

右十五味爲末蜜丸梧子大以酒服十九

加至三十九日三服膏本無龜甲

白馬駢散治帶下方

下白者取赤馬駢隨色取之

白馬駢

貳兩

龜甲

四兩

鱉甲

十八銖

右四味治下篩空心酒下方寸匕日三服

加至壹匕半

治五色帶下方服大豆紫湯日三服

方見產後

又方燒馬左蹄為末以酒服方寸匕日三服

又方燒狗頭和毛皮骨為末以酒服方寸匕

○聖惠方治婦人赤白帶下久不止方右

取狗頭燒灰細研每於空心及晚食前以

煖酒調下壹錢

肘後方同衛生易簡方貳錢七日貳服

又方煮甌帶汁服壹杯良

又方燒馬蹄底護乾為末以酒服方寸匕日

三○聖惠方治婦人赤白帶下久不止方

右取馬蹄護干燒灰細研每於空心及晚

食前以溫酒調下壹錢

雲母芎藭散衛公治五崩身瘦欬逆煩滿少

氣心下痛面生瘡腰痛不可俛仰陰中腫如

有瘡狀毛中癢時痛與子藏相通小便不利

常拘急頭眩頸項急痛手足熱氣逆衝急心
煩不得臥復中急痛食不下吞醋噫苦上下
腸鳴漏下赤白青黃黑汁大臭如膠汚衣狀
皆是內傷所致中寒即下白熱即下赤多飲
即下黑多食即下黃多藥即下青或喜或恐
心中常恐或憂勞便發動大惡風寒

雲母 芎藭 代赭 東門邊木 燒各白

礪蠶 烏賊骨 白堊 蝟皮 各六 鼈甲

膏作 龜甲 桂心 伏龍肝 生鯉魚頭 各十

右十二味治下篩酒服方寸匕日三夜壹

壹方有竜骨乾葛

慎火草散治崩中漏下赤白青黑腐臭不可
近令人面黑無顏色皮骨相連月經失度往
來無常小腹弦急或苦絞痛上至心兩脅腫
脹食不生肌膚令人偏枯 千金翼方 氣息乏
少腰痛連脇 翼方 痛不能久立每嗜臥困
懶 又方

慎火草 白石脂 禹餘糧 鼈甲 翼方

乾姜 細辛 當歸 芎藭 石斛 芍

藥 牡蠣 各貳兩 翼方熬 黃連 翼方貳兩 薔薇根皮

乾地黄 各四兩 熟艾 翼方二兩 桂心 各壹兩

右十六味治下篩空腹酒服方寸匕日三

稍加至二匕若寒多者加附子椒 翼方用

去目閉 熱多者加知母黃芩各壹兩 翼方加石

口者 白多者加乾姜白石膏赤多者 翼方

倍 方有 加心桂代赭各二兩

禹餘糧元治崩中赤白不絕困篤方

禹餘糧 五兩 白馬蹄 十兩 千金 龍骨 三兩

茸 二兩 翼方炙 烏賊魚骨 壹兩 翼方三兩

右五味為末蜜丸梧子大以酒服二十九

日再 翼方云不知稍 以知為度 ○ 聖惠方

治婦人白崩日夜不絕將欲困篤禹餘糧

二兩 燒醋 白馬蹄 二兩 燒灰 龍骨 一兩 鹿茸 二兩

塗酥炙 烏賊魚骨 一兩 燒灰 右件藥搗羅為末

鍊蜜和搗三二百杵丸如梧桐子大每於

食前以溫酒下口十九

增損禹餘糧元治女人勞損因成崩中狀如
月經來去多不可禁止積日不斷五藏空虛
失色黃瘦崩竭暫止少日復發不耐轉搖小
勞輒劇治法且宜與湯未宜與此丸也發時
服湯減退卽與此丸若是疾久可長與此方

禹餘糧 龍骨 人參 桂心 紫石英

烏頭 寄生 杜仲 五味子 遠志 各二

兩澤瀉 當歸 石斛 菴蓉 乾姜 各三

兩蜀椒 牡蠣 甘草 各壹

右十八味爲末蜜丸梧子大空心酒下十
丸漸加至二十九日三服

治女人白崩及痔病方

槐耳 白欬 艾葉 蒲黃 白朮 各二

黃耆 人參 續斷 當歸 禹餘糧

橘皮 茯苓 乾地黄 蝟皮 各三 牛角

鯁 四兩 猪後懸蹄 二十箇 白馬蹄 四兩 酒浸

右十七味爲末蜜丸每日空心酒下二十

丸日二加之

治婦人忽暴崩中去血不斷或如鵝鴨肝者
方

小薊根六兩 當歸 阿膠 續斷 青竹茹

芎藭各三兩 生地黃八兩 地榆 釜月下土各

兩 絹馬通壹升赤帶用赤

裏 右十味咬咀以水八升和馬通汁煮取三

升分三服不止頻服三四劑未全止續服

後方

續斷 甘草 地榆 鹿茸 小薊根

丹參各十 乾地黃二兩 芎藭 赤石脂

阿膠 當歸各一兩 柏子人壹兩集驗 龜甲

秦牛角各三兩 熬令黑

右十四味為末蜜丸梧子大空心以酒服

十九日再後稍加至三十九

治女人崩中去赤白方

白馬蹄五兩 蒲黃 鹿茸 禹餘糧 白馬

鬻毛 小薊根 白芷 續斷各四兩 人參

乾地黃 柏子人 烏賊骨 黃耆 茯苓

苓 當歸各三兩 艾葉 菴蓉 伏龍肝各二兩

右十八味為末蜜丸如梧子大空心飲服二十九日再加至四十九

當歸湯治崩中去血虛羸方

當歸 芍藥 黃芩 芍藥 甘草各二兩

生竹茹二升

右六味咬咀以水壹斗煮竹茹取六升去滓內諸藥煎取三升半分三服忌勞動噀

怒禁百日房事

治崩中晝夜十數行衆醫所不能瘥者方

芎藭八兩咬咀以酒五升煮取三升產寶升分三服不飲酒小煮亦得

治崩中下血出血壹斛服之即斷或月經來過多及過期不來者服之亦佳方

吳茱萸 當歸各三兩 芍藥 人參 芍藥

牡丹 桂心 阿膠 生姜 甘草各二兩

半夏八兩 麥門冬一升

右十二味咬咀以水壹斗煮取三升分爲三服

治暴崩中去血不止方

牡蠣 鬼骨 各二兩 半炙

右二味治下篩酒服方寸匕日三

治女人白崩方

芎藭 桂心 阿膠 赤石脂 小薊根

各二兩 乾地黄 四兩 千金 伏龍肝 如雞子 兩 翼方二兩 大七枚

右七味咬咀以酒六升水四升合煮取三

升去滓內膠令烊盡分三服日三 千金翼方止六

味無伏龍肝

伏龍肝湯治崩中去赤白或如豆汁方

伏龍肝 如彈丸 七枚 生地黄 四升 一兩 生姜 五兩

金翼方 三兩 甘草 翼方 炙 艾葉 赤石脂 桂心

各二兩

右七味咬咀以水壹斗煮取三升分四服

日三夜壹

大牛角中人散治積冷崩中去血不止腰背

痛四肢沉重虛極方

牛角八一枚續斷 乾地黃 桑耳 白

朮 亦石脂 礬石千金翼方燒 乾姜 附子

翼方炮 龍骨 歸歸各三兩 人參兩 蒲黃翼方

去皮 防風 禹餘糧各二兩 兩翼方三兩

右十五味治下篩以溫酒未食服方寸匕

日三不知稍加

治崩中去血積時不止起死方

肥羊肉三斤 乾姜 當歸各三兩 生地黃二斤

右四味咬咀以水二斗煮羊肉取壹斗三

升下地黃汁及諸藥煮取三升分四服卽

斷尤宜羸瘦人服之

生地黃湯治崩中漏下日去數升方

生地黃一斤 細辛三兩

右二味咬咀以水壹斗煮取六升服七合

久服佳

治崩中漏下赤白不止氣虛竭方

龜甲 牡蠣各三兩

右二味治下篩酒服方寸匕日三

又方燒亂髮酒和服方寸匕日三

又方桑耳二兩半鹿茸十八銖

右二味以醋五升漬灸燥漬盡為度治下

篩服方寸匕日三

又方燒鹿角為末酒服方寸匕日三

又方燒桃核為末酒服方寸匕日三

又方地榆知母

右二味各指大長一尺者咬咀以醋三升

東向竈中治極濃去滓服之

又方桑木中蟬屎燒灰酒服方寸匕

治崩中下血羸瘦少氣千金翼方調中補虛

止血方

澤蘭 蜀椒二兩六銖 藁本 柏子人 山茱

萸 厚朴各十銖 乾地黄 牡蠣各壹兩半 代赭

桂心 防風 細辛 乾姜各壹兩 甘草

當歸 芎藭各壹兩十八銖 蕪荑半兩

右十七味治下篩空心溫酒服方寸匕日

三神良一方加白芷龍骨各十八銖人參

壹兩十八銖為二十味○翼方澤蘭熬九分

蜀椒去目閉口者汗七分代赭本桂心細辛乾姜

防風各壹兩乾地黄牡蠣熬各青兩半栝子人厚

朴各三分當歸芍藥甘草各七分山茱萸蕪荑

各半右壹十七味搗篩為末鍊蜜和丸如

梧子空腹酒服十九日三服漸加至三十

丸神效壹方用白芷龍骨各三分人參七分為二十味

治崩中方

白茅根三斤○千金翼方二斤小薊根五斤

右二味咬咀以水五斗煎取四斗翼方四升稍

粘服之外臺用酒煎

丹參酒治崩中去血及產餘疾方

丹參 艾葉 地黄 忍冬 地榆各五斤

右五味剉先洗白熟春以水漬三宿出滓

煮取汁以黍米一斛炊飯釀酒酒熟醱之

初服四合後稍稍添之千金翼方同

牡丹皮湯治崩中血盛併服三劑即瘥方

牡丹皮 乾地黃 斛脉各三兩 禹餘糧

艾葉 竜骨 柏葉 厚朴 白芷 伏

竜肝 青竹茹 芎藭 地榆各二兩 阿膠

壹斤藥四兩

右十五味咬咀以水壹斗五升煮取五升分五服相去如人行十里久再服

治崩中單方燒牛角末以酒服方寸匕日三

服亦治帶下○經驗良方治崩右燒牛角

爲末酒服二錢日二服

又方桑耳燒令黑爲末酒服方寸匕日二服

亦治帶下

又方生薊根壹斤半搗取汁溫服亦可酒煮

服之

又方羊脬一具以酢煮去血服之卽止忌猪

魚酢滑物犯之便死亦治帶下

治漏血不止或新傷胎及產後餘血不消作

堅使胞門不閉淋瀝去血經踰日月不止者

未可以諸斷血湯宜且與牡丹力散等待血

堅消使停也堅血消者所去淋瀝便自止亦
 漸變消少也此後有餘傷毀不復處此乃可
 作諸主治耳婦人產乳去血多傷胎去血多
 崩中去血多金瘡去血多拔牙齒去血多夫
 止心中懸虛心悶眩冒頭重目暗耳聾滿舉
 頭便悶欲例宜凡煮當歸芍藥各三兩以小
 四升煮取二升去滓分二服即定展轉續次
 合諸湯治之
 白聖元治女人三十六疾胞中病漏下不絕

方又前方見前

邯鄲白聖 禹餘糧 白芷 白石脂
 乾姜 竜骨 桂心 瞿麥 大黃 石
 韋千金翼方去毛 白斂 細辛 芍藥 甘草翼方
 炙黃連 附子翼方炮去皮 當歸 茯苓 鍾
 乳 蜀椒翼方汗去目閉口者 黃芩各半兩 牡蠣翼方熬
 鳥賊骨各十八銖○翼方已上二味半兩
 右二十三味為末蜜丸梧子大空心酒服
 五九日再服不知加至十九

治女人漏下或瘥或劇常漏不止身體羸瘦
 飲食減少或赤或白或黃使人無子者方
 牡蠣 伏龍肝 赤石脂 白龍骨 桂
 心 烏賊骨 禹餘糧 各等分
 右七味治下篩空心酒服方寸匕日二白
 多者加牡蠣龍骨烏賊骨赤多者加赤石
 脂禹餘糧黃多者加伏龍肝桂心隨病加
 之張文仲同亦察崩中肘後無白龍骨以
 粥飲服

治婦人漏下不止散方

鹿茸 阿膠 各三兩。肘後方並炙 烏賊骨 肘後方去甲
 當歸 各二兩 蒲黃 一兩
 右五味治下篩空心酒服方寸匕日三夜
 再服 肘後方夜一服

治女人產後漏下及痔病下血方

礬石 一兩附子一枚
 右二味為末蜜丸如梧子大空心酒下二
 九日三稍加至五九數日瘥能百口服之

永斷

芎藭湯治帶下漏血不止方

芎藭 乾地黄 黃耆 芍藥 吳茱萸

甘草各二兩 當歸 乾姜各三兩

右八味咬咀以水壹斗煮取三升分三服

若月經後因有赤白不止者除地黃吳茱

萸加杜仲人參各二兩

治漏下去血不止方取水蛭治下篩酒服壹

錢許日二惡血消即愈○聖惠方水蛭一兩

微炒右擣細羅為散每服空心以溫酒調下

壹錢隔三日再服惡血消盡自愈

治漏下神方取槐子燒末酒服方寸匕日三

立瘥○聖惠方治婦人漏下不止方槐子

五合燒灰右細研為散每於食前以溫酒調下

二錢

治漏下去黑方

乾漆 麻黃 細辛 桂心各一兩 甘草半兩

右五味治下篩以指撮著米飲中服之

治漏下去赤方

白朮二兩 白薇兩半 黃蘗二兩半 ○聖惠方

右三味治下篩空心酒服方寸匕○聖惠方

錢日三

治漏下去黃方

黃連 大黃 桂心各半 黃芩 蟻虫

煎地黃各六銖

右六味治下篩空心酒服方寸匕日三○

聖惠方治婦人漏下黃色宜服生乾地黃

散方生乾地黃半兩 黃芩一分 黃連半兩 去川

大黃半兩 剉 蟻虫一分 桂心半兩 右件藥搗

細羅為散每於食前以溫酒調下口錢

治漏下去青方

大黃 黃芩 白薇各半 桂心 牡蠣各六銖

右五味治下篩空心酒服方寸匕日三○

聖惠方治婦人漏下青色方川大黃半兩 剉碎

微炒桂心一分 牡蠣一分 為粉 黃芩 白薇各六銖 右

件藥搗細羅為散每於食前以溫酒調下
二錢

治漏下去白方

鹿茸一兩白斂十八銖拘脊兩半

右三味治下篩空心米飲服方寸七日三

○聖惠方治婦人漏下白色不絕鹿茸一兩

去毛塗酥白斂三分狗脊半兩右件藥搗羅

為末以醋煮麩糊和丸如梧桐子大每於

食前以溫酒下二十九

治女人漏下積年不斷因篤方取鵲重巢柴

燒灰作末服方寸七日三服三十日愈甚

良重巢者鵲去年在巢中產今年又在上

作重巢產者是也○聖惠方右取鵲巢柴

燒為灰細研每於食前以溫酒調下二錢

不過十日愈肘後方取鵲巢合故柴雜燒

末服方寸七日三夜二謂今年更於故巢

作巢者是也

馬涌湯治漏下血積月不止方

赤馬通汁 壹升取新馬屎絞取汁乾者水浸絞取汁 ○千金翼方無赤馬

凡馬生艾葉 壹把 阿膠 各三兩 ○翼方當歸

乾姜 各二兩 ○翼方好墨 半元 ○翼方

右六味咬咀以水八升酒二升煮取三升

去滓內馬通汁及膠微火煎取二升分再

服相去如人行十里久 翼方煎取貳升適寒溫分再服相去

壹炊頭飲之

馬蹄屑湯治白漏不絕方

白馬蹄 千金翼方 赤石脂 各五兩 禹餘糧

烏賊骨 竜骨 牡蠣 各四兩 ○附子 翼方

炮去乾地黄 翼方 當歸 各叁兩 ○甘草 二兩

○翼方白殭蠶 壹兩 ○

右一壹味咬咀以水二斗煮取九升分六

服日三 翼方以水壹斗六升煮取三升半分四服日三夜壹服

馬蹄元治白漏不絕方

白馬蹄 千金翼方 禹餘糧 各四兩 ○龍骨

參烏賊骨 白殭蠶 赤石脂 各貳兩

右六味爲末蜜丸梧子大酒服十九不知

加至三十九翼方不知漸加至貳十九

慎火草散治漏下方又方見前

慎火草十兩熬當歸 鹿茸千金翼方一作鹿角阿

膠各四兩○ 竜骨半兩○ 翼方貳分

右五味治下篩先食酒服方寸匕日三

蒲黃散治漏下不止方

蒲黃半升鹿茸千金翼方當歸各貳兩

右三味治下篩酒服五分匕日三不知稍

加至方寸匕翼方酒服半方寸匕日叁○
服不知漸加至壹方寸匕

聖惠方治婦人漏下不斷鹿茸散方鹿茸

貳兩去毛塗當歸二兩剉蒲黃半兩右件藥

搗細羅爲散每於食前以溫酒調下二錢

月經不調

白堊圓治婦人月經一月再來或隔月不來

或多或少淋瀝不斷或來而腰腹痛噓吸不

能食心腹痛或青黃黑色或如水舉體沉重

方

白堊 白石脂 牡蠣 禹餘糧 竜骨

細辛 烏賊骨各壹兩半 當歸 芍藥 黃連

茯苓 乾姜 桂心 人參 瞿麥 石

韋 白芷 白斂 附子 甘草各壹兩 蜀

椒兩半

右二十一味為末蜜丸如梧子大空心酒

下二十九日三至月候來時日四五服為

佳

桃人湯治產後及墮身月水不調或淋瀝不

斷斷後復來狀如瀉水四體噓吸不能食腹

中堅痛不可行動月水或前或後或經月不
來舉體沉重惟欲眠臥多思酸物方

桃人五十枚 澤蘭 甘草 芎藭 人參各貳

兩牛膝 桂心 牡丹皮 當歸各叁兩 芍

藥 生姜 半夏各四兩 地黄八兩 蒲黃七合

右十四味以水二斗煮取六升半分

六服

杏人湯治月經不調或壹月再來或兩月三

月一來或月前或月後閉塞不通方

杏人貳兩桃人壹兩○千金翼方已上二大

味去皮尖雙入各三十枚○翼

黃兩水蛭熬方蜜蟲各參十枚○翼

右五味ㄗ咀以水六升煮取二升翼方煮

五分三服壹服當有物隨大小便有所下

下多者止之少者勿止盡三服翼方○聖

惠方杏人二兩湯浸去皮尖雙入麩炒微黃

炒蟲蟲三十枚炒微黃去翅足水蛭參十枚桃人壹

湯浸去皮尖雙入麩炒微黃右件藥擣篩為散每服三

錢以水壹斗蓋煎至五分去滓空心温服

良久當隨小便有惡物所下多即住服少
即次日更服

大黃朴消湯治經年月水不利胞中有風冷
所致宜下之

大黃 牛膝各五兩 朴消 牡丹 甘草干

翼方紫葍各參兩○翼代赭壹兩桃人參升

去皮尖雙入者蟲蟲翅足熬水蛭翼方乾薑壹兩

細辛壹兩芒消各二兩麻人合五

右十四味ㄗ咀以水壹斗五升煮取五升

去滓內消令烱分五服翼方以水壹斗煮取叁升去滓內消
烱令尽分叁服五更為首相去壹炊頃自下後將
息忌見風

茱萸蟲蟲湯治久寒月經不利或多或少方

吳茱萸叁升蟲蟲千金翼方水蛭翼方麝蟲

翼方牡丹各壹兩生薑壹斤小麥半夏

熬各壹升。大棗翼方廿枚。桃人翼方去皮

翼方洗。人參牛膝各三兩。桂心方壹尺

甘草壹兩半。翼芍藥二兩。翼方三兩

右十五味咬咀以酒壹斗水二斗煮取壹

斗翼方以清酒叁升去滓適寒溫壹服壹

升日三不能飲酒人以水代之湯欲成乃

內諸蟲不耐藥者飲七合

抵勞陽治月經不利腹中滿時自減并男子

膀胱滿急方

虎掌千金翼方大黃各二桃人參十枚。千

尖兩水蛭壹十枚。翼方熬

右四味以水三升煮取壹升盡服之當下

惡血為度

七熬圓治月經不利手足煩熱腹滿默默不

欲寤心煩方

大黃一兩半○千金前胡柴胡芒消○熬各

○翼方葶藶蜀椒並熬各六銖○翼方

各五分生薑翼方乾芎藭各十銖茯苓○翼

杏人九銖熬○翼方去桃人翼方去皮尖○

雙蠹蟲熬○翼方水蛭各半合熬

右十二味為末蜜丸梧子大空腹飲服七

丸日三不知加壹倍翼方漸加至十九治

又一方有麤蟲牡丹各貳兩為十四味酒服

桃人散治月經來繞臍痛上衝心曾往來寒

熱如瘧疰狀

桃人五十枚○千金翼麤蟲貳十枚○桂

心五寸茯苓一兩薏苡人牛膝代赭各一

大黃八兩

右八味治下篩宿勿食温酒服壹錢七日

三

治月經往來腹腫腰痛方

蠶蟲四枚 蜀椒四枚 乾薑各六銖 大黃 女青

桂心 芎藭各半兩

右七味治下篩取一刀圭先食酒服之日

三十日微下善養之○千金翼方蠶蟲四枚

熬女青芎藭各一兩 蜀椒去目及閉口汗 乾薑大黃

各二兩 桂心半兩 右七味搗篩為散先食酒服

一刀圭服之十日微去下善養之佳

治月經不調或月頭或月後或如豆汁腰痛

如折兩脚疼胞中風寒下之之方千金翼方名牡丹大

黃湯

大黃 朴消各四兩 牡丹參兩 桃人一升○翼方去皮尖

雙仁人參 陽起石 茯苓 甘草翼方炙

水蛭翼方各貳兩○翼方去翅足熬

右十味咬咀以水九升煮取三升去滓內

材消令烱盡分三服相去如一飯頃

陽起石湯治月水不調或前或後或多或少

乍赤乍白方

婦人經水不調

百三十一

婦人經水不調

百三十一

類聚三百六

百十四

陽起石 甘草 千金翼方炙 續斷 翼方參兩 乾薑
人參 桂心 各貳兩 附子 一兩〇翼方炮去皮 赤石脂
參 伏竜肝 五兩 生地黃 一升〇翼方切
右十味以水壹斗煮取三升二合分四服
日三夜壹

治婦人愛恚心下支滿膈中伏熱月經不利
血氣上搶心欲嘔不可多食懈怠不能動方

大黃 芍藥 蟲蟲 各貳兩 土瓜根 蜀椒
黃芩 白朮 乾薑 地骨皮 壹作炭皮 芍藥

各壹兩 桂心 乾漆 各壹兩半

右十二味爲末蜜丸如梧子每服十九日
三不知加之

牛膝圓治產後月水往來乍多乍少仍復不
通時時疼痛小腹裏急下引腰身重方

牛膝 芍藥 人參 大黃 各叁兩 牡丹皮

甘草 當歸 芎藭 各貳兩 桂心 壹兩 蜃蟲

蟪螬 蜚蠊 各四枚 蟲蟲 水蛭 各七枚

右十四味爲末蜜丸如梧子酒服五九日

類聚三百六

百十五

三不知稍增

又方鹿角末服之

又方生地黄汁三升煮取二升服之○王氏
集驗方治婦人室女經閉不通不問新久
並皆治之生地黄濃煮汁常服其經自行

又方飲人乳汁三合

又方燒月經衣并花水服之

又方燒白狗糞焦作末酒服方寸匕日三

又方取白馬尿服壹升良

治月經不斷方船茹壹升淨洗河水四升半
煮取二升分二服○聖惠方治婦人勞損
月水不斷五藏氣虛肉色黃瘦血竭暫止
少日復發不耐動搖小勞輒劇若久疾失
治者船茹半斤淨洗右以河水三大盞煎取壹
盞分爲二服食前溫服之

又方服地黃酒良

又方服大豆酒亦佳

又方燒箕舌灰酒服之

醫方類聚

卷之二百六

醫方類聚卷之二百六

